

KUPHUMA KWELILANGA

Asikhotsamise tinhloko tetfu. Nkhosi, njengoba sibutsana lapha kulokusa lokuhle kwePhasika, sibona emahlumela lamancane acindzetela afuna indlela yawo yekuphuma, tinyosi tindiza tingena futsi titfola sabelo sato, tinyoni tikhala kwangatsi tinhltiyo tato titochunyiswa yinjabulo, ngoba kuneliPhasika. Siyaholwa kutsi Wavusa Jesu kulabafile, eminyakeni leminengi leyendlula, namuhla, futsi sigubha lolusuku lwesikhumbuto.

² Futsi akufike liPhasika emkhatsini wetfu sonkhe, namuhla. Kwangatsi tsine, njengetinceku taKhe, singaliconda Livi laKhe, kutsi sasisenhhlanganyelweni yaKhe ngalesosikhatsi, nekutsi manje kutsi sivuka naYe futsi sihleti ndzawonye etindzaweni taseZulwini.

³ Busisa lenkonzo lapha etabernakeli, nasemaveni onkhe lapho liya khona, ngalolucingo.

⁴ Philisa bonkhe labagulako nalabahlaselekile. Kwangatsi kungaba yiPhasika yabo, futsi, futsi kube lumphumo ekuguleni baye emandleni. Nalabo labafile esonweni nasesiphambekweni, kwangatsi bangaphila namuhla ngaKhristu. Futsi sitoKudvumisa, ngoba sikucela eGameni laKhe. Ameni.

⁵ Impela loku ngitsi kuyinhlanhla lesimangaliso, manje ekuseni kubuya lapha eJeffersonville, eIndiana, nalelibandla lelikhulu, lelibandla liminyetelene futsi limile, nasemacele ni nangaphandle, nasetindzaweni tekupaka nasetindzaweni tonkhe. Kini nine bantfu lenisetincingweni esiveni sonkhe, kukusa lokuhle lapha.

⁶ Ngensimbi yesihlanu manje ekuseni, umngani wami lomncane lonesifuba lesibovu undizele etulu efasitelweni wangivusa. Bekubonakala kwangatsi inhlitiyo yakhe lencane beyitochuma, atsi, “Uvukile.” Bengihlala njalo ngicabanga ngalenyononi lencane injengemngani kimi, ngoba ngiyayitsanda.

⁷ Njengenganekwane ngayo itsi, “Inyoni lencane lensundvu yaMbona eva buhlungu esiphambanweni, lapho sono sasiMbeke khona.” Kusobala, lenyononi lencane yayingenasono. Bekangakadzingeki kutsi afele lenyononi lencane. “Kodvwa yandizela esiphambanweni futsi yetama kudvoncula letipikili, ngemlomo wayo lomncane, futsi yatitfola sifuba sayo sesibovu sonkhe.” Futsi nguleyondlela lengifuna ngayo sami, futsi, njengelihawu, lekwetama kuvikela leNtfo leyinkhatimulo Layifela.

⁸ Ngekucondza kutsi sikhatsi setfu sincane lapha, ikakhulukati kulabo bangani labalalele ngalolucingo,

ngitsandza kutsi ninake kulokusa loku si—sitfombe esikhatsini lesendlulile lesatsetjulwa yikhamera, ngembono lengaba nawo lapha etabernakeli, wekusuka eIndiana, ngiye eArizona; lapho bengitodibana khona, ngesimo sesivivane, netiNgelosi letisikhombisa. Ngingati kutsi kwakutokwentekani kamuva, nangifika lapho, ngicabanga kutsi kwakukuphela kwemphilo yami, kutsi kwakungekho namunye lobekangamela lokuchuma; futsi ngineliciniso kutsi nonkhe niyayati lendzaba. Kwase kutsike eNgoceni yaseSabino, ngalokunye kusa lokunjengaloku, ngisemkhulekweni, kwakukadze kunenkemba lebeyibekwe esandleni sami, futsi kwatsiwa, “Leli Livi, neNkemba yeLivi.”

⁹ Kamuva, tiNgelosi tabonakala njengoba kwakuprofethiwe. Futsi ngesikhatsi lesifanako, sicuku lesikhulu sekuKhanya sesuka lapho bengime khona, futsi saphakama ngemamayela langemashumi lamatsatfu emoyeni, futsi satungeleta lendingilizi, njengemaphiko etiNgelosi, futsi sadvweba esibhakabhakeni simo sesivivane esishoshomeni lesifanako sesiku setiNgelosi letabonakala.

¹⁰ Isayensi yasitsebula lesitfombe, kusukela le eMexico, lapho kusuka ngasenyakatfo Arizona, lapho uMoya loyiNgewe watsi bengitobe ngime khona, “emamayela langemashumi lamane enyakatfo mphumalanga yeTucson.” Futsi kwaya emoyeni, neliphephabhuku *iLife* yayigcwele titfombe, “Intfo lengetulu kwemvelo lele etibhakabhakeni, lapho kungeke kubekhona kwasamswakama, lapho kungeke kubekhona mhamuko wanoma yini; emamayela langemashumi lamatsatfu kuphakama, nemamayela langemashumi lamabili nesikhombisa kuvundla,” futsi kwenyukela ngco kusuka lapho letotiNgelosi lebetikhona.

¹¹ Manje, babuta, kute batokwati. Isayensi, lomunye wabo eTucson, bekafuna kwati kutsi ngabe kukhona yini lokubalulekile, kodvwa angizange ngibatjele. Nonkhe nakwati, kwashiwo ngaphambili. Kodvwa kwakungesiko kwabo; kwakukwenu.

¹² Futsi ngako lapho Wakhuluma nami, futsi watsi, “TiMphawu letisiKhombisa titokwembulwa. Letimfihlakalo letisikhombisa, imfihlakalo lekasikhombisa yeliBhayibheli, lebeyikadze ivalwe ngci solo kwasekelwa umhlaba, titokwembulwa.” Futsi tsine, noma nje silicembu lelincane lelititfobile, uma sicatsaniswa nemhlaba wonkhe, sitijabulele letibusiso leti, kuva letotimfihlakalo. Umshado, idivosi, intalo yenyoka, yonkhe lemibuto lena leyehlukene, kwembulwe ngalokuphelele kitsi, hhayi ngumuntfu, kodvwa nguNkulunkulu, lucobo lwaKhe, lovule letotimfihlakalo letisikhombisa; taloko liBandla lelalingiko, kutsi Lalinqani kuKhristu ekucaleni, nekutsi Litokwembulwa kanjani elusukwini lwekugcina.

¹³ Futsi manje, loku kusenyuka, sinesitfombe ngaphandle lapho kulengiswe njengesikhumbuto. Kodvwa, ke, nginesitfombe sibekiwe sikhona lapha, uma nicaphela, njengoba liphephabhuku *iLife* beyinaso. Kodvwa angati noma tetsameli tami, letibonakalako lapha, tike tasibuka yini ngempela lesitfombe, niyabona, niyabona, ngendlela lesifanele kuba ngayo.

¹⁴ Niyakhumbula, bengishumayela ngesikhatsi kufika lombono, ngesifundvo seNcwadzi yeSambulo, lapho emajaji lamadzala, lapho sibone khona Jesu eSambulweni 1. Ngesikhatsi sicala kuvula tiMphawu letisiKhombisa...noma i—noma imiNyaka yeliBandla, njalo, ngaphambili nje kwekuvulwa kwetiMphawu letisiKhombisa. Khristu bekeme ane “tinwele letinjengeoya betimvu, timhlophe.” Futsi nganichazela loko, kutsi behluleli bemaNgisi labadzala, nebehluleli bakadzeni, uma baya ebhentjini, kuyofungiswa, ligunya labo lelikhulu kunawo onkhe belinikwa bona. Bebefaka i-wigi lemhlophe, njengoba kwakunjalo, etikwetinhloko tabo, kukhombisa ligunya labo lelikhulu kunawo onkhe.

¹⁵ Yebo-ke, uma nitosigucula lesitfombe kanje nisibuke, mhlawumbe ningasibona etetsamelin, nguKhristu. Bonami emehlo aKhe abuka *lapha*, kuphelele nje ncwe; afake i-wigi lemhlophe yebuNkulunkulu lobuKhulu kwendlula konkhe neliJaji lawo onkhe emazulu nemhlaba. Niyawabona emehlo aKhe, imphumulo, umlomo waKhe na? [Libandla litsi, “Ameni.”—Umhl.] Siguculen nje lesitfombe *kuloku*, indlela labasente ngayo; *ngalendlela*, indlela lesifanele sibe ngayo. Futsi ni...Niyasibona na? [“Ameni.”] UliJaji leLikhulu kunawo onkhe. Alikho lelinye ngaphandle kwaKhe. Futsi leyo yinkhomba lephelele futsi, sicianiseko sekutsi loMlayeto uliCiniso. Leli liCiniso. Ucenisile. Futsi kungaMenti uMuntfu wesitsatfu, kodvwa lokunguyen Muntfu kuphela!

¹⁶ Analokumhlophe, niyabona, niyakubona lolokumnyama, buso baKhe, silevu saKhe, nemehlo aKhe. Futsi caphelani, Ubuka...KuYe kuvela lokuKhanya lokukhanya ngesekudla, lapho Abuka khona. Futsi esiphambanweni, kulapho la Abuka khona, ngesekudla, lapho Acolela khona soni. EkuKhanyeni kwekuvuka kwaKhe, sisachubeka ngeliGama laKhe.

¹⁷ Ngiyafisa, manje ekuseni, kwangatsi nje benginesikhatsi lesinengi seku—kusisebentisa kulesimanga lesi lesingenako ngisho nalokuncane kungabata, sifakazelwe iminyaka lengemashumi lamatsatfu leyendlulile, noma iminyaka lengemashumi lamatsatfu nesihlanu, khona lapha kulelibandla; seloku kusukela entasi emfuleni, ngesikhatsi loko kuKhanya lokufanako kwehlela lapha eJeffersonville, nga 1933, futsi kwakhulumu lawomavi, “NjengaJohane umBhabhatisi watfunyelwa kwendvulela kufika kwekucala kwaKhristu, uMlayeto wakho utokwendvulela kwesibili.” Sisesikhatsini

sekugcina, futsi siyasibona. Siyamangala ngaletinye tikhatsi kutsi kungani kungakasabalali emhlabeni wonkhe; mhlawumbe ngalesinye sikhatsi siyoba nelituba lekuchaza loko, uma Nkulunkulu atsanza.

¹⁸ Manje ngifuna nivule e—emaBhayibhelini enu, njengoba sihlala njalo sikholwa kutsi Livi lifanele lifike kucala, kwekutsi kufundvwe Livi. Ngihlala njalo ngilifundza Lelo, ngoba Li...Emavi ami lilivi lemuntfu, litokwehluleka; kodvwa Livi laNkulunkulu lingke lehluleke.

¹⁹ Manje sito—tofundza emiBhalweni leNgcwele, sihloko. Futsi sifuna niphene, kucala, etindzaweni letintsatfu eBhayibhelini, lengikhetse kufundza kuto. Lenye yato iseSambulweni, sahluko 1, nelivesi 17 nele 18; ngulapha la Abonakala khona ne “Tinwele taKhe letimhlophe njengeboya betimvu; netinyawo taKhe tinjengelitfusi.” Futsi—ke ngifuna nitfole, emaBhayibhelini enu, baseRoma 8:11. Ngikhetsi, manje ekuseni, tindzawo letintsatfu kutifundza, emiBhalweni leNgcwele, kwentela uMlayeto wami namuhla, loyo iNkhosi lewubeke enhlitiywani yami ngekuvuka kulabafile. Bese—ke futsi ngifuna kutsi nivule, futsi, kuMakho 16:1 nele 2. Lapho ngitokhipha khona ingcikitsi yendzaba yami—yami.

²⁰ Manje eSambulweni 1:18, sifundza lama Vi, 17 nele 18.

Nangimbona, ngawa ngasetinyaweni takhe njengalofile. Wase ubeka sandla sakhe sangesekudla etikwami, atsi kimi, Un gesabi; ngoba mine ngiwe kucala newekugcina:

Nginguyu lophilako, futsi bengifile; kepha, bheka, sengingulophilako kuze kube phakadze naphakadze, Ameni; futsi nginetikhiya tekufa nesihogo.

²¹ Futsi kubaseRoma sahluko 8 nelivesi 11, sifundza loku.

Kodvwa nangabe uMoya waloyo lowavusa Jesu kulabafile ahllala kini, yena lowavusa Khristu kulabafile uyophilisa nemitimba yenu lefako ngaye uMoya wakhe lohllala kini.

²² Futsi manje kuMakho sahluko 16, sahluko seluvuko, sahluko 16, emavesi 1 nele 2.

Naselendlulile lisabatha, Mariya Magdalena, unina...naMariya unina waJakobe, naSalome, bebaletse emakha lamnandzi, kutsi bete bamgcobise.

Futsi ekuseni kakhulu ngelusuku lwe kucala lweliviki, beta ethuneni ekuphumeni kwelilanga.

²³ Manje, sihloko sami manje ekuseni, ngifuna kutsatsa sihloko: *KuPhuma KweLilanga*. Futsi kwesifundvo, ngifuna kusebentisa, “eMandla laphilisako.”

²⁴ Manje, niyati, mhlawumbe benisolo niva emsakatweni nebafundisi labehlukene bakhuluma. NeMnaketfu Neville lodvumile manje ekuseni akhuluma ngesifundvo sakhe seliPhasika, ngekuvuka kulabafile. Futsi ngicabange kutsi mhlawumbe ngitokutsatsa nge—ngendlela lehluke kancane, kungesiko kwehluka, kodvwa kwengeta kakhudlwana nje, mhlawumbe ngalenyne indlela, ngentele nine. LemiBhalo, tonkhe tindlela loyihambako nemiBhalo, Uhlala njalo umememetela Jesu Khristu. Ungeke uwubalekele, noma ngayiphi indlela. Uhlala njalo uMmemetela.

²⁵ Manje, njengoba live namuhla e—enkonzweni yesikhumbuto, noma, lokungenani, eUnited States nakuloluhlangotsi lwemhlabu, manje ekuseni, emabandleni nasetindzaweni tonkhe, ligubha sikhumbuto se—sekuncoba lokukhulu kwendlula konkhe umuntfu lake waba nako.

²⁶ Ngiyacabanga, njengeMsindzisi uma Afa, noma njengemntfwana ngesikhatsi Atalwa, Bekangeke abe lapha ngaphandle kwekuta emhlabeni. Futsi ngesikhatsi Afa, impela Wenta kubuyisana ngesono setfu. Kodvwa, noko, kubekhona labanengi bantfwana labancane labatalwako labahle, futsi kubekhona labanengi umuntfu lohluphekile futsi wafela sizatfu mbamba, kodvwa akaze abekhona munye lowakwati kutivusa yena futsi kuze kube ngulolosuku.

²⁷ Manje, kutsi liviki lelikhulu kwendlula onkhe emlandvweni, umgubho lomkhulu kwendlula yonkhe kuto tonkhe tikhatsi, leliPhasika kulapho Afakazisa khona Lebekakushito. Umuntfu angasho tintfo, kodvwa noko akusiko impela lokungakholelwa kuko, ngalokungiko impela, kuze kufakazelwe kutsi kuliCiniso. Futsi njengaNkulunkulu, Lowatsi, “Hlolani konkhe; nibambisise lokulungile,” Bekangeke akutjele kutsi wente intfo Lebekangeke ayente kwayena luCobo. Ngako Wafakazisa kutsi kwakunguBani lolowafela sono setfu.

²⁸ Futsi, manje, akusilo nje lusuku lwesikhumbuto kuphela, Iwato tonkhe letimbali leti letinkhulu teliPhasika, netigcoko teliPhasika, nabologwaja labaphinki, nalokunjalo, lelesesingene kuko, nemgubho longewe; lokulungile, kodvwa loku akusiyi intfo sibili ngaleyondlela.

²⁹ Njengoba bantfu namuhla betama kutsi, “Sifanele sigeze tinyawo kanye ngemnyaka, nga—ngaLesine, bese kutsi ngaLesihlanu sifanele sitsatse sidlo senkhosi,” nato tonkhe timfundziso letehlukene te...Baphikisana ngekutsi ngabe kufanele kube ngalolosuku *lolu* yini noma ngalolosuku *lolwa*, noma kumbe kufanele kube lusuku lwesabatha noma lusuku Iwekucala Iweliviki; noma...Tonkhe letintfo leti tilisiko nje kuphela. Yini lenhle lettingayenta kini, kutsi beninga Boleka noma ningaBoleki sikhatsi sekuzila tinsuku lettingemashumi lamane semakholwa, uma kungekho kuPhila

kini na? Kusikhumbuto nje kuphela. Lokukutsi, akukho lutfo lokumelene naso, kodvwa impela bagcine emasiko abo, kodvwa bashiya intfo lekunguyonayona lenkhulu.

³⁰ Sathane akanandzaba kutsi nikholwa kangakanani, noma kutsi nikahle kangakanani eMfundzisweni yenu. Uma nigeja loko kuPhila, ningeke nikhuphuke, nakanjani. Akunandzaba kutsi nikholwa kangakanani, nilunge kangakanani, mangakhi emabandla lenake nasontsa kuwo noma lenitosontsa kuwo, akusho nayinye intfo ngaphandle uma nitalwe kabusha.

³¹ Ngako-ke, uma Nkulunkulu avusa Jesu kulabafile, ngabe WaMvusela sikhumbuto na? Futsi ngabe lokusa kwekuvuka kulabafile kuphela kulu—lusuku lunye vo emnyakeni, noma lusuku lolutsite lesigubha ngalo loku na? Noma, ngabe singulabazuzile ngekuvuka kwaKhe na? Kusho kutsini kimi na? Kusho kutsini kini na? Manje siyakholwa, ngekukholwa, kutsi Wavuka kulabafile, kodvwa pho loko kuhlangene ngani nami na? Loko kwakuseminyakeni letinkhulungwane letimbili leyendlula.

Manje kutfola lesihloko lesi!

³² Njengoba bengidziniwe, umkhono wami unkenketa, emijovweni lengayijovwa ngunesi. Ngoba, ngiyahamba ngiwelela ngesheya kwetilwandle manje, njengoba nati, etinsukwini letimbalwa, futsi ngifanele ngibe nayo lemijovo, indvodzana nami. Futsi kunesifo semsheko ikolera, yifiva lentjintja sikhumba sibemtfubi, nako konkhe, bengikhandleke sibili, ungenta ngigule. Lokukutsi, Khesari ufunu ube nalemijovo ngaphambi kwekutsi uhambe uyongena kulesinye sive. Futsi Watsi, “Nikani Khesari lokukwaKhesari, kodvwa bese ninika Nkulunkulu lokukwaNkulunkulu.”

³³ Futsi ngisahleti lapho, ngicabanga kutsi ngingakhulumani kuletetsameli leti letilindzile manje ekuseni; lengibonga kakhulu ngato, newesilisa nebesifazane labatobeka kuphila kwabo elayinini laloku lotokusho. “Ngingakwenta kanjani na? Yini lengingayitsatsa ibe sihloko na?”

³⁴ Kwase kutsi-ke ngisehleti lapho, cishe sengilele, umnyango wami wakhala, ngaphandle ngaseluhlangotsini lolungembili lwendlu. Kungekho muntfu lapho ngaphandle kwami kuphela, ngekwati kwami. Ngalalela. Angikutfolanga nje kahle. Emvakwesikhashana, umnyango wasekamelweni lekungcebeleka, lapho ngiligucula libe yindlu yami yekudadishela, wakhala, futsi ukhona lobekasolo anyakatisa umnyango. Futsi nga—ngaya emnyango ngavula umnyango, futsi, lokungimangalisile, le—lebukekako, lencane, lenetinwele letimtfubi, lenemehlo laluhlata intfombatane ime lapho, ibukeka njengembali lencane yeliPhasika; lehleti lapha lengibukako manje.

³⁵ Yanginiketa likhadi. Futsi bekuli... Kusobala, ngiyacabanga uma ngifikasi ekhaya kutobakhona emakhadi eliPhasika, nalokunjalo; kodvwa lokungulona lodvwa, ngisuka ekhaya, lengilitfolile. Futsi yatsi, "Mnaketfu Branham, leli livela kubabe nami." Beyifuna kuciniseka kutsi "nami" ukulo. Neyise lonesifo sekucacamba kwematsambo, ahleti esihlalwени semasondvo, utfumele lelikhadi. Ngesikhatsi ngilitsatsa futsi ngambonga lodali lomncane, lapho afulatsela ahamba asuka emnyango, ngalivula lelikhadi.

³⁶ Futsi ngesimo salelikhadi ngakhipha sihloko sami. Ngoba, kulelikhadi bekunguMakho loNgewe 16:1 nele 2, kuphuma kwelilanga, lilanga beliphuma. Ngase-ke ngicabanga ngaloko, bese kuba-ke yindzaba yeku "philiswa," kwaJesu Khristu kutsi avuswe kulabafile, ngakhipha sihloko sami.

³⁷ Manje, lilanga, ekuphumeni kwelilanga. Yebo-ke, kwakukhona sikhatsi lapho live belihleti ebumnyameni mbamba. Belingenasimo, futsi lingenalutfo. Futsi lonkhe lalimbonywe ngemanti, futsi belihleti lapho ebumnyameni, lesimnyama bhuce, sibhakabhaka lesihwacabele. NeMoya waNkulunkulu wehla wenyuka etikwalawomanti, futsi watsi, "Akubekhona kukhanya." Nkulunkulu bekanesizatfu sekwenta loko, ngoba phansi ngaphansi kwalawomanti kwakunetimbewu Lebekatihlanye, futsi beyifanele ibe nalokokukhanya kwelilanga kuyenta iphile.

³⁸ Futsi kuKhanya kwekucala kutsi kuke kuniketwe emhlabeni kwaba Livi lelikhulunyiwe laNkulunkulu. KuKhanya kwekucala lokwake kwashaya emhlabeni kwaba Livi lelikhulunyiwe laNkulunkulu. Watsi, "Akubekhona kukhanya," futsi kwaba khona kukhanya. Loko kwagucula bumnyama baba kukhanya, kuze kuvete lokudaliwe lokuyinjabulo nekuphila emhlabeni. Wase-ke, uMoya waNkulunkulu, lapho Usahambahamba ngelutsandvo nesihawu, ngalolosuku lolukhulu, lusuku lwekucala lwekusa kulokudaliwe etikwemhlabo; lilanga laphuma lashanyela yonkhe indzawo, imisebe yalo, futsi lomisa nkhwa emanti lasemhlabeni, futsi lenta sibhakabhaka etulu. Futsi, kukwekucala kulo, lalitoletsa injabulo nekuphila emhlabeni, ngembewu. Lelo kwakulihora lelikhulu.

³⁹ Kodvwa, o, kwakungesilolutfo, loko kuphuma kwelilanga, njengekuphuma kwelilanga ngaloko kusa kweliPhasika. Lesikhatsi lesi, nelilanga litjekula etibhakabhakeni, laveta kuphuma kwelilanga lokukhulu kunalokwake kwaba khona; ngoba kwafika tindzaba letinkhulu kakhulu ngalokuphuma loku kwelilanga, kunaloko lelakwenta ngekuphuma kwelilanga ekucaleni. Lokuphuma loku kwelilanga kwaletsa tindzaba, tekutsi, "Uvukile! Uphilisiwe kulabafile, njengoba Etsembisile. Uvukile kulabafile."

⁴⁰ Kwekucala lilanga laphuma, kuGenesisi, laliletsa umlayeto kutsi kutobakhona kuphila emhlaben, kuphila lokusatokufa.

⁴¹ Kodvwa kulesikhatsi lesi, ngesikhatsi lilanga liphuma, kwakuneku-kuphuma kwelilanga lokukabili; lelinye, iNdvodzana, ivuka. Kwakuyi...hhayi kuphela l-i-l-a-n-g-a liphuma, kwakuyi N-d-v-o-d-z-a-n-a lebeyivukile kuletsa kuPhila lokuPhakadze kuyo yonkhe iMbewu letsenjisiwe yaNkulunkulu kutsi ngekwati ngaphambili Bekayibonile ibekwe etikwemhlabo.

⁴² Yayingeke ngisho ne—nemphilo yetihlahla iphile emuva lapho ekucaleni ngaphandle kwekutsi l-i-l-a-n-g-a liyletse ekuphileni; kungeke ngisho, namuhla, lapho emadvodzana aNkulunkulu isetikwemhlabo, kutsatsa kuKhanya kwe N-d-v-o-d-z-a-n-a kuwaletsa ekuPhileni lokuPhakadze, Labakhetsiwe baKhe labati ngaphambili kwekusekelwa kwemhlabo. Bekabakhetsel kuYe ngaphambi kwekusekelwa kwemhlabo.

⁴³ Futsi ngeliPhasika ekuseni, ngalessosikhatsi, kulowomhlabatsi ndzawanatsite kwakulele imitimba yetfu ngalesosikhatsi, ngoba silutfuli lwemhlabatsi. Futsi eZulwini, kwakuneNcwadzi yekukhumbula, netinceny taKhe yayikuYe, ati kutsi ngenca yekutsi leNdvodzana yaNkulunkulu ivukile, Lalitovusela futsi ekuPhileni yonkhe indvodzana leyayincunyelwe ngaphambili kulesikhatsi lesi lesikhulu. Beyati kutsi kwakutoba njalo. Futsi kuphuma kwelilanga lokuyinkhatimulo lenkhulu kangaka pho lokwakukhon kusaloku kwakungiko ekucaleni, ngesikhatsi lapho kucala kusa.

Manje, kulokwephulwa lokukhulu kweluPhawu
lweliPhasika!

⁴⁴ Manje, namuhla sinesifo sesifubasengati, luphawu lweliPhasika. Bantfu utfumela umlayeto, lomunye kulomunye, nekulekelela lesikhwama lesi semali lesikhulu noma sicelo semali, sekutsi bodokotela nesayensi yetekwelapha kutsi basebentele etikwalokutsite, kuvimbela noma kusita esifeni sesifuba sengati. Ishicilelw ngeluphawu, lesikubit ngeluphawu lweliPhasika, uma sitfumela umlayeto kulomunye nalomunye. Kodvwa uma semukela umlayeto, lolophawu luyephulwa, ngoba luphawu lunguloko lokubophele umlayeto ngekhatsi.

⁴⁵ Futsi manje, luPhawu lweliPhasika lweliciniso, kulokuphuma kwelilanga loku, lwephulwa; nemfihlo, yekuPhila emvakwekufa, yembulwa. Ngaphambi kwalesosikhatsi, besingati. Umhlabo wawubutsene ebumnyameni, wawuhamba udvunguta, tinsolo temuntfu. Imicabango lengenabufakazi wawusemkhatsini wenhlitiyo yemuntfu, kwentiwa lisiko. Umuntfu bekakhonta titfombe. Bebakhonta lilanga. Bebakhonta tonkhe tinhlobo tabonkulunkulu. Nato tonkhe

tinhlobo tebantfu lebetitisho tona, bonkhe bangena ethuneni, futsi bahlala ethuneni.

⁴⁶ Kodvwa luPhawu sibili lwase lwephuliwe, futsi Loyo Lowake waphila njengoba siphila, wafa njengoba sitokufa, wavuswa kulabafile. Kusa lokunje pho! Akuzange kubekhona lokunjengako, kuwo wonkhe umlandvo wemhlaba. Imfihlo yatiya kutsi Bekangiko kokubili kuvuka nekuPhila.

⁴⁷ Futsi Watsi, ngesikhatsi Aphuma ngaloko kusa, “Ngoba Ngiyaphila mine, nani niyaphila.” Akusiko kuphela kutsi Bekayindlalifa yekuvuka, kodvwa tonkhe leto iMbewu lebeyiphumule esetsembisweni lesikhulu saNkulunkulu yayingulezuzile kuloko kuvukela ekuPhileni. Ngoba, Watsi, “Ngoba Ngiyaphila mine, nani nitawuphila futsi.” Loko kwakukuphulwa kweluPhawu. Ngoba Wakhushulwa, kanjalo wonkhe loyo lokuKhristu uyokhushulwa kanye naYe.

⁴⁸ Ngaloku kuphuma kwelilanga lokunenkhatalimulo, Nkulunkulu bekafakazisile, noma wacinisekisa, Livi laKhe. Tonkhe tigayegaye nekungabata lokwakuhambe kwangena emicondvweni yebantfu kwasuswa, ngoba nangu Bekasakhona Lowake waphila, uydla, uyanatsa, futsi uhlanganyela neluntfu, lowatsi, “Nginemandla ekubeka phansi kuphila kwaMi; Nginemandla ekubuye ngikuvuse futsi.” Futsi manje akusiko kuphela kutsi Wenta lesitatemende, kodvwa Wasifakazela kutsi siliCiniso. O, loko kuyintfo lenhle kangaka pho!

⁴⁹ Nginesiciniseko manje ekuseni kutsi ngisho natsi, lesikukholwako, singeke sikhone kukucondza kutsi loko kwakuyintfo lenkhulu kangakanani. Ngoba Wavuka kulabafile, natsi sesivele sivukile kulabafile, ngoba sasikuYe.

⁵⁰ Caphelani manje. Lapho sigayegaye sisibekele umhlaba, netimbewu tatingke tipophile ngaphandle kwe l-i-l-a-n-g-a kutsi liphume, nesigayegaye sasikadze sisibekele umhlaba. Futsi manje i N-d-v-o-d-z-a-n-a ivukile, futsi sonkhe lesigayegaye sashabalaliswa ngulokuKhanya, lapho Kusabalala etiveni tonkhe, kubantfu, kutsi, “Akekho lapha, kodvwa Uvukile!” Si—sitatemende lesinje pho! Bekalifakazele Livi laKhe. BekaLifakazele kutsi lingilo, kutsi liliciniso, ngoba manje Bekasancobe kufa, sihogo, nelithuna.

⁵¹ Ticus-tintsatfu wadeveli; kufa, sihogo, nelithuna; ngoba Sathane ngumcalisi wekufa, ungumnikati wesihogo, futsi kanjalo nelithuna. Futsi loyo kwakunguticu-tintsatfu waSathane, abangwa yintfo yinye, loko kwakukufa. Kufa, uya ethuneni; futsi ngekuba soni, uya esihogweni. Yonkhe yona leyontfo yinye impela, ticu-tintsatfu waSathane, lokwakukufa. Lokwakubambe umuntfu ekutfunjweni yonkhe leminyaka.

⁵² Kodvwa manje ticu-tintsatfu weliciniso waNkulunkulu, ngekuba nguloyedvwa lowabonakaliswa kuKhristu, LobekakuPhila, futsi bekakadze ephule tiMphawu futsi

wancoba sitsa, futsi wavuka, loyedvwa Nkulunkulu lophilako nalocinisiile. “NginguYe lobekafile, seNgingulophilako kuze kubephakadze naphakadze, futsi nginetikhiya tekufa netesihogo.” Nkulunkulu, kuMunye, entiwe uMuntfu, futsi wakha emkhatsini wetfu, futsi wancoba sonkhe sitsa. Futsi bekakufakazisile kutsi ticus-tintsatfu waSathane wancotjwa, nekutsi ticus-tintsatfu waNkulunkulu wentiwa watiwa, ngoba nguNkulunkulu yedvwa kuphela lobekanemandla ekubuya abuyisele kuPhila futsi. Bekanguloyo Imanuweli. Nkulunkulu bekabonakaliswe enyameni.

⁵³ Akumangalisi Wakhona kusho lapho, Matewu sahluko 27, “Onkhe emandla eZulwini nasemhlabeni anikelwe esandleni saMi. Ngianitfuma kutsi nibe bofakazi baMi, eveni lonkhe.” Bekancobe kanyekanye kufa, sihogo, nelithuna. Akusiko kutsi Wenta loko kuphela; wase uyaphuma, wancoba, nawo onkhe emandla emaZulwini nasemhlabeni. Konkhe loko kwakunguBabe, konkhe loko kwakunguMoya loNgewe, nako konkhe lokwake kwabakhona, kwakukuYe. “Onkhe emandla eZulwini nasemhlabeni aniketwe Mine.” Konkhe lokunye akunamandla. Bekakuncobile.

⁵⁴ Manje! Futsi-ke, akusiko loko kuphela, Watfumela Livi kubafundzi baKhe, labakhholwako baKhe. “Ningesabi, ngoba Nginguye Lobekafile, futsi sengingulophilako futsi kuze kubephakadze naphakadze. Futsi Nginetikhiya tekufa nesihogo; seNgivele ngikuncibile. Ningabe nisesaba, ngoba wonkhe lowakhetselwa ngaphambili, iMbewu yaNkulunkulu leyamiselwa ngaphambili itokuta ekuPhileni uma loko kuKhanya kusabalala nemhlabo wonkhe, kweliVangeli lenkhathamulo. Kuwo wonkhe umnyaka, Kuyoveta silimo Nkulunkulu laKumisela kutsi kukwente.” Bekasavusiwe kulabafile.

⁵⁵ O, loko kuyintfo lesimanga kanjani, “Ngiyaphila, noma ngiphilisiwe.” Leligama lichaza, leligama *philisiwe*, leligama lesiGreki lichaza kutsi leyo yintfo “leyentiwe yaphila emvakwekuwa.”

⁵⁶ Njenge—ngembewu leshona emhlabatsini, ifanele ife, konkhe nalokuncane kwalembewu. Ifanele ibole, konkhe nalokuncane kwembewu. Nako konkhe nalokuncane kwemphilo, lokwakusembewini, kufanele kuvele futsi.

⁵⁷ Wa “philiswa.” Hhayi loko kuphela. “Futsi ngitofumela kuPhila lokufanako naloku lokwaphilisa Mine, eMandla laNgikhapha ethuneni, NgitoKutfumela etikwenu, kuniphilisa, kutsi lapho Ngikhona khona nani nitobakhona.”

⁵⁸ KuLukha, sahluko 24, livesi 49. Watsi, “Bhekani, Ngitfumela setsembiso saBabe kini; kodvwa hlalani, noma lindzani, edolobheni laseJerusalem, nize nembatiswe eMandla lavela

Etulu.” Kukhombisa kutsi akusiko kuphela kutsi Wakhipha tonkhe tinzuzu kuko, kodvwa Wataba letotinzuzu.

⁵⁹ Ufikela kutohlenga, noma kuletsa ekuPhileni, leto iMbewu leyamiselwa ngaphambili Nkulunkulu layibonile ngaphambi kwekusekelwa kwemhlaba futsi wafaka emagama abo eNcwadzini yekuPhila. Futsi naba basemhlabeni, bangenatsempa; Akafikelanga kona kuba siBusiso kuphela, kodvwa kwabelana siBusiso nayo yonkhe iMbewu lebeyimiselwe ngaphambili. Manje, kube iMbewu yayingekho emhlabatsini, yayingeke iphile. Yayifanele ibe semhlabatsini, iphindze futsi ihlume. Akunandzaba kutsi Igcinwe sikhatsi lesidze kangakanani ebumnyameni, Iyovela uma i N-d-v-o-d-z-a-n-a ikhanya etikwaYo. Caphelani manje, Uta kutoKwabelana natsi.

⁶⁰ Akumangalisi liVangeli litindzaba letinhle. Lona kanye leligama lelitsi liVangeli lisho “tindzaba letinhle.” Tindzaba letinhle, ini na? Uma umuntfu afa ngenga yetfu, leto tindzaba letinhle. Uma Khristu atalwa, leto tindzaba letinhle. Kodvwa atikaze tindzaba, tatingakaze tibekhona tindzaba letinjengaleti tindzaba, kutsi, Lowo Lowenta setsembiso usicinisile setsembiso, kutsi, “Ungulophilako kuze kubephakadze naphakadze, futsi unetikihiya tako kokubili kufa nesihogo, esandleni saKhe.” Sonkhe lesigayegaye satsintsifwa. Kwakungasekho sigayegaye lebesingaphindze sibonwe, ngoba iNdvodzana yase ivukile ethuneni. Kwakungekho kutsi, “Yebo-ke, Itofika, noma Ingahle ifike.” Yase ivele ifikile, liVangeli, tindzaba letinhle!

⁶¹ Caphelani, wona kanye loMlayeto weliVangeli, cobo lwaWo, uwekufakaza kubantu kutsi Ivukile. “Hambani nitjеле bafundzi baMi kutsi Ngivukile kulabofile, futsi Ngitohlangana nabo, kucinisa loku kubo.” O Nkulunkulu, kutobakhona kanjani kulolusuku lwekugcina kuKhanya futsi emhlabeni wonkhe! “Futsi Ngitofakazisa kubafundzi baMi! Hambani nibatjele kutsi aNgikafi, futsi aNgisilo lisiko, kodvwa NginguKhristu lophilako. Ngitohlangana nabo. Tsatsani loMlayeto niwuyise kubafundzi baMi, kutsi Ngivukile kulabofile,” liVangeli, tindzaba letinhle.

Wena utsi, “Ngabe kunjalo na?”

⁶² EmaHebheru 13:8 atsi, “Nguye itolo, namuhla, naphakadze.” Tsine, lesitindlalifa taKhe, sifanele sifakazise kutsi kuPhila kwaKhe kukitsi manje, tindlalifa talokuPhila loku. KuPhila, akukaze kubekhona kuphila lokwaphilwa njengako; BekayiNdvodzana yaNkulunkulu. Futsi Wafa, futsi loko kwakuvalela ngaphandle; kodvwa ngesikhatsi Avuka futsi kulabofile, ekuseni ngeliPhasika, khona-ke tsine, njengetinceku taKhe, siyayalwa nguYe kutsi siye emhlabeni wonkhe nekuletsa letindzaba letinhle kuwo wonkhe umuntfu, kutsi

Ungulophilako. Futsi singakwenta kanjani ngeLivi lodywa na? Ngoba kubhaliwe, "LiVangeli alifikanga ngeLivi kuphela, kodvwa ngemandla nangesibonakaliso saMoya loNgcwеле, kufakazisa kutsi Uyaphila."

⁶³ Manje, uma kukhona lelinye livangeli, njengoba Pawula wakhuluma kulelinye lemacembu, "Ngiyamangala kakhulu kutsi senijkele kulelinye livangeli." Lelingekho lelinye, kodvwa livangeli lekutentisa, niye enganekwaneni yemahlelo, nijika nisuka kuletotindzaba letinhle.

⁶⁴ "Futsi ngoba Ngiphila mine, nani niyaphila. Futsi Ngiphila kini, nalemisebenti leNgyentako," Johane 14:12, "lemisebenti leNgyentako mine iyokhomba Mine kini." UMLayeto lonje pho! Akumangalisi, besinelive lelimnyama lesayensi yetenkholo, kodvwa ngesikhatsi sakusihlwa kutawuba nekuKhanya futsi. Kutobakhona kuvuka ngesikhatsi sakusihlwa. Kutobakhona kuKhanya ngesikhatsi sakusihlwa.

⁶⁵ Manje, wona impela umsuka waloMlayeto lowatfunyelwa, kutsi, "Uvukile kulabafile," tsine tindlalifa taKhe, tsine lesabelana naYe kuvuka, sitfola tinzuzo telifa kuloku, ngekufakazisa eveni kutsi Uyaphila. Ngeke sikuwente ngelivi kuphela. Ngeke sikuwente ngelisiko lelitsite lemuntfu. Sibonakalisa kuphela loko impela lesikhomba kuko.

⁶⁶ Ngiyesaba namuhla kutsi labanengi kakhulu betfu ababayisi bantfu kuKhristu. Sibayisa esontfweni, emcabangweni longenabufakazi. Kodvwa sifanele sibayise kuKhristu. Nguye Yedvwa kuphela, nalokunguyena Yedvwa kuphela lonekuPhila. "Loyo loneNdvodzana unekuPhila."

⁶⁷ Futsi uma kuphila kwemuntfu lofile kuvetwa kuwe, utophila imphilo lefanako nalalayiphilile.

⁶⁸ Uma ingati yemuntfu beyiluhlobo lolutsite, futsi wena watsatsa ingati kumuntfu munye futsi wantjintja ingati yalomuntfu munye yafakwa kulomunye, ngekwelucobo uyoba nguleyongati lebe ngulolohlobo.

⁶⁹ Futsi uma umoya lokuwe ubalwa ngekutsi ufile, futsi ugcotjwe ngekuPhila lokwakukuKhristu, kusetikwakho! BaseRoma 8:11 batsi, "Uma loyoMoya lowavusa Khristu kulabafile, ahlala kini, Uyophilisa nemtimba wenu lofako," loko kuPhila lokufanako, lawomandla lafanako, letotindlalifa letifanako, Lebekanato lapha emhabeni, tivela kuNkulunkulu. Wanahlenga, iMbewu lebeyatiwa ngaphambili nguNkulunkulu, labamagama abo abhalwa eNcwadzini yekuPhila yeliWundlu ngaphambi kwekusekelwa kwemhlabo.

⁷⁰ Naloko kuKhanya kweliVangeli kwekuvuka kulabafile, kuciniswa kweLivi! Sati kanjani kutsi BekanguKhristu na? Ngoba Wakufakazisa Lakhuluma ngako. Ngitowati kanjani uMlayeto welihora na? Nkulunkulu uyakufakazisa Lakwetsembisa, futsi Ukhuluma ngako. Leyo yinkhomba, kutsi

sitindlalifa kanye naYe ekuvukeni. Uyakufakazisa Lakhulume ngako.

⁷¹ Loko Letsembisa kukwenta kuKhristu, Wakufakazisa ekuvukeni kulabafile. Loko Letsembisa kukwenta etinsukwini taMoses, Wakufakazisa. Letsembisa kukwenta etinsukwini taEnoki, Wakufakazisa. Kutotonkhe tinsuku tebapostoli, Wakufakazisa.

⁷² Manje kulolusuku, Uyakufakazisa Lakusho, ngoba bayincenye yaleyoMbewu leyayimelelwe eNcwadzini yekuPhila leyo Lekafikela kuyihenga ibuyele kuNkulunkulu futsi. O, uMlayeto lonje pho!

⁷³ Ekuseni ngeliPhasika, Akavukanga kuphela, kodvwa tindlalifa taKhe tavuka kanye naYe. Yena... TatikuKhristu ekubetselweni kwaKhe. TatikuYe ekuvukeni kwaKhe. Sitindlalifa taKhe, saphiliswa emvakwekuba sesifile ebumnyameni.

⁷⁴ Lelive lebelimnyama lekungakhola, lapho emabandla nemahlelo, nalokunjalo, kwakusidvonsele ngaphandle. Futsi kuhkona intfo letsite lekitsi lebitako, "O, sifuna Nkulunkulu! Silambele futsi somele Nkulunkulu." Sajoyina iMethodisti, iBaptisti, emaPentecostali, emaPresbyterian, nani lenye, futsi kwakusolo kuhkona lokungalungi, sasingakaKutfoli nje noko. Futsi khona lapho nje, sisadvunguta ebumnyameni, kuvuka lokukhulu kwafika kitsi ekubonakalisweni kweLivi laNkulunkulu leletsenjisiwe.

⁷⁵ Njengekutsi, Bekakubonakaliswa kweLivi laNkulunkulu leletsenjisiwe. "Angiyushiya umphefumulo waKhe esihogweni, kanjalo futsi aNgiyovuma kutsi longcwele waMi abone kubola." WaLibonakalisa, lonkhe Livi laNkulunkulu Latsenjiswa lona. Wakufakazisa ngesikhatsi Avuka ekuseni ngePhasika.

⁷⁶ Manje, labo labake badvunguta ebumnyameni futsi bazulazula lapho, kutsi bafanele bageze tinyawo kulolusuku lolu, noma kufanele bagine lusuku lolutsite, noma bente imitsetfo letsite lemisiwe, tonkhe letotintfo tendlula. Ngoba, kwakunekuvuka lokuyinkhatimulo lokwephula yonkhe intfo leyentiwe ngumuntfu umuntfu lake wayenta, wonkhe umcabango lowentiwe ngumuntfu.

⁷⁷ Kwakungakaze kubekhona, kuya kulesosikhatsi, umuntfu lobekangabeka kuphila kwakhe phansi abuye akutsatse futsi. Wabephula lobo bufakazi besayensi lebebanabo, ngekuvuka futsi.

⁷⁸ Uma basho, kutsi, "Jesu Khristu akasuye itolo, namuhla, naphakadze," kutsi, "Emandla aKhe akafani," kutsi, "LiVangeli laKhe alifani," libe liBhayibheli litsi Liyafana! Nkulunkulu walephula lonkhe lihlelo, sonkhe sivumokholo, futsi Wachubekela embili ngaMoya loyiNgewe weKhe, njengoba Etsembisa, futsi wakufakazisa kitsi, kutsi Uyaphila.

⁷⁹ Singulabazuzile ngekuvuka kwaKhe kulabofile, saphiliswa emvakwekuba sesifile eveni, esonweni nasetiphambekweni. “Usiphilise kanye naYe, wasivusa naYe, manje sihleti etindzaweni taseŽulwini kuKhristu Jesu.” Uletse . . .

⁸⁰ UMoya waKhe uletsa kuPhila kwaKhe lokufanako futsi emhlabeni. “Uma uMoya waNkulunkulu, lowavusa Khristu,” umtimba, umtimba logcotjiwe; uma uMoya waNkulunkulu wagcoba lowomtimba ngangekutsi, ngesikhatsi leyoMbewu iwela emhlabatsini, Akazange nje aMyekele aphumule lapho. Cha. Wamphilisa Yena futsi waMvusa. “LoyoMoya lofanako,” ngemisebenti lefanako, ngeMandla lafanako, ngetibonakaliso letifanako, “ukini, Uyonivusa nani.”

⁸¹ Ngitsanza kunifundzela umBhalo lomncane lapha. Ngitsanza nipherye kulomunye umBhalo lengiwubhale phansi lapha. Ungahle unisite kancane. Utfolakala eNcwadzini yaLevithikhusi, sahluko 23, livesi 9 kuya kule 11. Lalelisisan. Emtsetfweni, umtsetfo webuLevi, Nkulunkulu akhuluma naMoses. Lalelani. Tonkhe letintfo leti tiyimifanekiso manje, futsi sitawukuma lapha imizuzwana lembalwa kutsi singene kulomfanekiso.

*Futsi iNKHOSI yakhuluma naMoses, yatsi,
Shano kubantswana bakaIsrayeli, futsi utsi kubo, Uma
nine...nifika eveni leNgininika lona, . . .*

⁸² “Endzaweni, lapho ikhonakhona, leNgininike yona. Manje shano kubantswana bakaIsrayeli, kutsi uma nifika kulendzawo letsite leNginetsembise kutsi Ngitonitsatsa, uma nifika lapho kulelive leli.” Manje ukhuluma ngekwemvelo lapha, afanekisa kwakamoya.

*...futsi nitovuna sivuno sayo (senikutfolile-ke
leNginitjele kona), nitawubese ke niletza sitfungo
setitselo tekucala tesiwuno senu kumpristi:*

*Futsi yena utosijikitisa sitfungo embikweNKHOSI, kuze
semukelwe ngenca yenu: ngakusasa emva kwelisabatha
umpriсти utosijikitisa.*

⁸³ Kwakutsi uma kubakhona noma ngumuphi umsimeto longcwele, wawufanele wenteke ngelusuku lwesabatha, lokwakulusuku lwesikhombisa lweliviki, lokunguMgcibelo. Kodvwa nicaphele yini, kulesikhumbuto lesi, kutsi sijikitiswe ngelusuku lwekucala lweliviki na?

⁸⁴ “Sitfungo, lebesiba sekucala sembewu yakho lowayihlanyela, uma simila futsi sivutfwa, wawusikha lesitfungo bese usiyisa kumpristi. Futsi umnike asijikitise embikweNkhosi, kube kwemukelwa kwakho, kutsi wemukelwe. Ufike nesitfungo sakho, futsi ufanele asijikitise embikweNkhosi, nge . . .”

⁸⁵ Hhayi ngelisabatha, lusuku lwesikhombisa; kodvwa ngelusuku lwekucala, lesilubita ngeliSontfo, li S-o-n-t-f-o.

⁸⁶ Kusobala, lelo li—ligama lesiRoma, lebebalibita ngelusuku lwelilanga lankulunkulu welilanga. Kodvwa kushintjwe kanjani pho!

⁸⁷ Akusesilo l-i-l-a-n-g-a manje. L-i-s-o-n-t-f-o, lusuku lweNdvodzana, kutsi lolohlavu lwaKolo (Lowekucala waNkulunkulu kuvuka kulabafile) ufanele ajikitiswe etikwelibandla, kutsi siyiMbewu yaKhe; naleyo yekucala yeMbewu yaleto lebetilele, yajikitiswa ngelusuku lweKucala lweliviki. NgeliSontfo, Wavuka. Waphakamisa sandla atsi salani kahle, futsi wenyukela Etulu, bantfu bakhona.

⁸⁸ Caphelani, Kwakuluuhlavu lweKucala lwaKolo waNkulunkulu lolwaluvuswe kulabafile, luhlavu lweKucala lwaKolo waNkulunkulu. NgeMandla laphilisako aNkulunkulu, Nkulunkulu bekaphilise kuphila kwaKhe, waMvusa kulabafile, futsi BekaTitselo tekucala talabo lebebalele, Titselo tekucala. BekangulesosiTfungo.

⁸⁹ Kungako bebaanele bajikitise lesositfungo, ngoba sasisekucala kuvutfwa. Futsi sasijikitiswa njengesikhumbuto sekubonga kuNkulunkulu, bakholwa kutsi bonkhe labanye bayofika. Kwakusibonakaliso.

⁹⁰ Futsi, namuhla, ngoba Waba yiNdvodzana yekucala yaNkulunkulu kutsi efike ekuvutfweni lokugcwele, kutsi abe kuNkulunkulu, Wasishulwa emhlabeni futsi uyajikitiswa etikwebantfu. O, sifundvo lesihle kakhulu kangaka pho! NgeMandla laphilisako, lowekuCala! Naloku, Beka—Bekakadze afanekisiwe; futsi tikhatsi letinengi, njengoba sitobona kamuva, kutsi Wafanekiswa. Kodvwa empeleni lolu kwakuSitselo sekucala salabo lebebalele. Wajikitiswa etikweMbewu leyetsenjisiwe lebeyinesetsembiso sekuPhila.

⁹¹ Wajikitiswa ngeluSuku lwePentecosti, “lapho kwachamuka khona umsindvo eZulwini njengekuzulisa, kwangatsi kuhhusha kwemoya lonemandla,” futsi wajikitiswa etikwebantfu, bantfu bepentecostali lebebaletulu ePentecosti, balindzele siBusiso kutsi sifike.

⁹² Nekutsi siphindze sijikitiswa, siyacondza, ngelusuku lwekugcina, ngekusho kwaLukha 17:30, ngelusuku lweNdvodzana futsi, “ngelusuku lapho i N-d-v-o-d-z-a-n-a yemuntfu yembulwa,” noma iphindze ijikitiswa etikwebantfu.

⁹³ Manje, Ngubani iNdvodzana yemuntfu na? “Ekucaleni bekakhona Livi, Livi bekakuNkulunkulu, Livi bekanguNkulunkulu. Futsi Livi waba yinyama, futsi wakha emkhatsini wetfu.” Futsi uma konkhe lokufundzisa lesinako, nekucinisa kweLivi laNkulunkulu; ngeLivi laNkulunkulu, ngetibonakaliso, ngetimanga, siyabona namuhla, kutsi eNcwadzini ya—yaLukha lapha, kutsi njengoba sisandza kucaphuna kuyo, noma lo—loLukha sahluko 17 nelivesi 30; naMalakhi 4, nalemiBhalo leyehlukene lesiyejwayele, kutsi

leloLivi futsi liyazuliswa etikwebantfu, kutsi emasiko lafile emuntfu lifile, neNdvodzana yaNkulunkulu iyaphila futsi nembhabhatiso waMoya loNgcwele ukhona impela emkhatsini wetfu, futsi usinika kuPhila.

⁹⁴ Njengoba Khristu waba wekuCala kutsi avuke, kubo bonkhe baprofethi, nalokunjalo; naloku nje kufanekiswe etindzaweni letinengi, BekaTitselo tekucala talabo lebebalele. KuMlobokati, kufika kwaKhristu, kuphuma kwelibandla, kutofanele kubekhona siTfungo lesijikitishwako futsi etinsukwini tekugcina. O, hhe!

⁹⁵ Kujikitisa kwesitfungo! Kwakuyini sitfungo na? Lesekucala lesivutfwako, lesekucala lebesifakazisa kutsi kwakungukolo, lesasifakazisa kutsi kwakusitfungo.

⁹⁶ Haleluya! Ngineliciniso kutsi niyabona kutsi ngikhuluma ngani. Sasijikitisa etikwebantfu. Futsi kweKucala kuyofika, kwemnyaka weMlobokati, kweKuvuka aphume ebuhlelweni lobumnyama, kutoba nguMlayeto, kutsi kuvutfwala lokugcwele kweLivi sekubuye kwabuya futsi ngeMandla aLo lagcwele, futsi ngulojikitisa etikwebantfu, ngetibonakaliso letifanako netimanga Latenta emuva lapho.

⁹⁷ “Ngoba Ngiyaphila, nani niyaphila,” akhuluma neMfati waKhe. “Ngoba Ngiyaphila, nani niyaphila.” Loko kwakukuvuka lokuhle kanjani pho! Futsi loku kukuvuka lokuhle kanjani, kophiliswa kulabafile, “kwentiwa uphile kuKhristu Jesu,” ngeMandla aNkulunkulu laphilisako.

⁹⁸ Wazuliswa kubo. LeLivi, Lebekangilo, labuye lazuliswa kubo ngeluSuku lwePentecosti, Livi libonakalisiwe. Manje, futsi njengoba ngisho, Litojikitisa futsi elusukwini lweKugcina. Manje, sibonelo nje...

⁹⁹ Wena utsi, “Yebo-ke, manje, awume kancane, Mnaketfu Branham. Ngiyalati libandla leli...” Yebo-ke, ngiyalati, nami. Niyabona na?

¹⁰⁰ Kodvwa manje, sibonelo nje, kube-ke—kube-ke besitobuyela emuva eTucson kulentsambama lena, manje, futsi nguloyo naloyo wetfu ane...bekatohamba nge—ngemoto lenkhulu iCadillac, lensha sha na? Futsi tonkhe letihlalo tentiwe nge—ngesikhumba senyamatane lensikati, sikhumba lesitsambe kutendlula tonkhe, sitsamble futsi kulula kuhlala ngekhatsi; nemabhodi aphansi ayindvwangu letsí ayifane nesikhumba lesiyimfukumfuku; lisondvo lekujikitisa limbonywe ngetinhlavu te-nickeli futsi sitsiwe gewa gewa ngedayimane yonkhe indzawo; nenjini yahlolwa ngekwebukhenikha kutsi kube yinjini lefanlele sibili; nemasondvo bekayi...onkhe anemabheringi agcotjiswe onkhe; nemathayi onkhe anesivikela kupantja futsi anesivikela kuchuma; futsi yahlolwa yonkhe ngekxesayensi.

¹⁰¹ Tatikadze setifucwe tasuswa elayinini lekutihlanganisa, totimbili, futsi totimbili tigewaliswe nswi ngagasolina. Lawo

ngemandla ekuhambisa, gasolina, ngoba kuwo kune-okteyini. Kodvwa manje uma sewutotidvumisa, naloku nje totimbili tibukeka tifana nje, kodvwa ikhona yinye yato lengenanhlase yemlilo, lengenamandla ekubasela.

¹⁰² “Yebo-ke,” wena utsi, “emandla akulogasolina, Mnaketfu Branham.” Kodvwa angikhatsali kutsi manengi kangakanani emandla lakulogasolina; ngaphandle kubekhona inhlase yemlilo lapho kubonakalisa lawomandla, ngaphandle uma kunemandla lapho kucinisa kutsi lowo ngugasolina, kungavele nje kube ngemanti. Kuze...

¹⁰³ Akunandzaba kutsi bosiyazi betenkholo basho lokunengi kangakanani, kutsi ulihlele kahle kanjani libandla lakho, kutsi unemfundvo lenengi kangakanani, ifana kakhulu kangakanani neliBhayibheli; kuze kutsi lesoSifungo lesijikitiswako, kuze kufike Moya loyiNgcwele etikwalowomuntfu kuphilisa leloLivi! Gasolina umele Livi. LiliCiniso; kodvwa, ngaphandle kweMoya, Lingake linyakate.

¹⁰⁴ Sigcizelele kakhulu kutiHambisi-mshini futsi sangasho lutfo ngeMandla ekuhambisa. Idzinga eMandla aNkulunkulu lanemandla ekuhambisa, eMandla aJesu Khristu ekuvuka kulabofile eBandleni, kubonakalisa nekupeza kutsi *Lona* ngugasolina. Ungahle ube sesikoteleni sagasolina; ungahle futsi ubesolo ungemanti, niyabona. Kodvwa bufakazi kuphela bawo, kutsi, faka lokuPhila loku kuwo, futsi Kutofakazisa kutsi ngugasolina yini noma akusiwo.

¹⁰⁵ Futsi uma utama kufaka uMoya loNgcwele ehlelweni, kufana ncamashi nekutsi wetama...Ungatfolo kubhubhutela; utawukona injini yakho, ngekuyigewalisa ikhabhoni.

¹⁰⁶ Kodvwa, o, ngiyajabula kakhulu kutsi kukhona eMandla latinkhulungwane letilishumi e-okteyini, Livi laNkulunkulu neMoya loNgcwele kuLilayida, nekuvusa Emandla aNkulunkulu angene emphilweni yendvodza, noma emphilweni yewesifazane, noma ekhatsi ebandleni. Loko kwashovela leyo Cadillac entasi nemgwaco ngaleya, ngaphansi kweMandla lahambisako aMoya loNgcwele labuya futsi azuliswa etikwebantfu ngeluSuku lwePentecosti, aMenta abe ngulonguye itolo, namuhla, naphakadze.

¹⁰⁷ Kwabakhona Sitfungo sekucala lesikhuphuka sivela kubo bonkhe baprofethi, lokwakuyiNdvodzana yaNkulunkulu, iNkhosi yabo bonkhe baprofethi.

¹⁰⁸ Bekusolo kunemabandla, emabandla, balobokati, balobokati, emabandla, balobokati, balobokati.

¹⁰⁹ Kodvwa ukhona Munye lofanele afike! Haleluya! Kutofika uMlobokati mbamba! Kufanele kufike Munye longenato tiNsimbiletakh’umshina kuphela, kodvwa eMandla ekuhambisa aWo, enta leloBandla liphile, lihambe ngeMandla ekuvuka kwaKhe. Size sifike kuleyondzawo, size sitfole leyondzawo,

kusitangani kupholisha emahabhu na? Kusitani kuyinika umsebenti wekuyenta ncono noma wekupolisha imishina, uma eMandla ekuhambisa angekho kuyo na? Akunandzaba kutsi tiNsimbi letakh'umshina tifakazisa kangakanani kutsi tilungile, kufanele kubekhona eMandla ekuhambisa kuYenta isebebente.

¹¹⁰ Nguloko Lakufakazisa! Haleluya! Nguloko liPhasika lelakufakazisa. Bekangesilo Livi kuphela, kodywa BekanguNkulunkulu cobo lwaKhe, eMandla ekuhambisa, eVini. Loko kwenta umtimba waJesu Khristu (lobandzako, locinile, nalofile, ethuneni) unyakate ungene ekuPhileni uphindze uvuke futsi, futsi ugicite litje. "NginguYe lobekafile," afe ngangekutsi lilanga laze latsi Bekasafile, inyanga yatsi Bekasafile, tinkhanyeti tatsi Bekasafile. Yonkhe imvelo yatsi Bekasafile. Namanje umhlaba wonkhe ufanele ubone kutsi Sewuyaphila futsi. Bekangesito tiNsimbi letakh'umshina kuphela, Livi laNkulunkulu, BekanguloneMandla ekuhambisa kuLifakazela.

¹¹¹ Futsi njengoba Yena, anguMyeni, uMlobokati ufanele avele, ngoba Liyincenye yaKhe. Futsi Lingaba kuphela kubonakaliswa kwekugwalisa tonkhe tambulo noma ngubaphi labanye lokukhulunye ngaso ngeMlobokati; Lingabonakalisa kuphela. Uma lenta lokutsite lokwehlukile kulokuvela kuMyeni, akusuye uMlobokati. Ngoba, Uyinyama yenysama yaKhe, litsambo lelitsambo laKhe; kuPhila kwekuPhila kwaKhe, eMandla eMandla aKhe! Lowesifazane unguYe! Njengoba indvodza nemfati bamunye, nemfati atsatfwe eluhlangotsini lwayo; Lowesifazane utsetse uMoya, uMoya webufazane, kuYe. Inyama eluhlangotsini lwaKhe, wenta kokubili tiNsimbi letakh'umshina neMandla ekuhambisa, uMfati. UMoya waloWesilisa nenyama yaKhe, futsi kuhlanganiswe ndzawonye, futsi kwenta tiNsimbi letakh'umshina neMandla ekuhambisa. Kwaze kwatsi libandla noma bantfu...

¹¹² Wonkhe lamabhanisi eliPhasika, nemigubho, nemabandla lamakhulu, nebukhatikhati, kuyohluleka futsi kwendlule.

¹¹³ Lize leloBandla libe ngiko kokubili eMandla ekuhambisa netiNsimbi letakh'umshina; neMoya waNkulunkulu, loko kwaMnyakatisa, kutsi ente letintfo Latenta! Nangabe Washaya kumasilinda lalishumi nesitfupha, uyokwentanjalo neMlobokati. Amen! Ngoba Watsi, kuJohane 14:12, "Loyo lokholwa ngiMi, lemisebenti leNgiyentako mine naye utoyenta. Ngiyomniketa kutshaja eMandleni ekuhambisa aMi, etiNsimbini letakh'umshina takhe, live lelingeke likhone kumelana nato; futsi Ngitobuye ngimvuse futsi elusukwini lwekugcina." Loyo nguMlayeto weliPhasika, eMandla ekuhambisa netiNsimbi letakh'umshina, kanye kanye! TiNsimbi letakh'umshina ngaphandle kweMandla ekuhambisa, akusiti; ngalokunjalo neMandla ekuhambisa, ngaphandle kwetiNsimbi letakh'umshina.

¹¹⁴ Ningaklabalaza nimemete, futsi nigcume niye etulu naphansi, konkhe lenikufunako, futsi niphike leLivi, ngeke kusite ngalutfo. Nihamba nikhrenka nje e—emaphistini e... Ngitfole inhlase yemlilo lapho kubasela, kodvwa kungekho gasolina kubasela ngawo.

¹¹⁵ Kuyosebenta kuphela lapho tihlangana ndzawonye. Ameni! Ngako, lelinye liyohlala lithule, naleleLinye litokwenyuka. Nguleyontfo kuphela lekhona kulo. Noko, angahle omabili abukeke afana, omabili atisho kutsi angemabandla, omabili atisho kutsi anguMlobokati. Kodvwa Linye linetiNsimbi letakh'umshina neMandla ekuhambisa, Lenta kufezeke, kwaloko Latsi kuliCiniso.

¹¹⁶ Lingek nje lisuke lihambe, akunandzaba kutsi tiNsimbi letakh'umshina tilunge kanjani, kuze kufike eMandla ekuhambisa. Uma kufika eMandla ekuhambisa, lowoMlilo wentelwe kutsi uchumane naleyo okteyini yemandla agasolina. Futsi uma Loko kuchuma, kubanga kusha, naloko kusha kuhambisa yonkhe intfo lenyakatako, konkhe kuhamba, ngoba Nguye itolo, namuhla, naphakadze. Loko kuvuka kulabafile. Lawo ngeMandla aNkulunkulu sibili, tiNsimbi letakh'umshina neMandla ekuhambisa. Caphelani, “NguMoya lophilisako.” Yi—yiNhlase yemlilo lesibaselako. Akusiye gesi lobaselako; yiNhlase yemlilo lebasela gesi. Niyabona na?

¹¹⁷ “Ningeke nenta lutfo ngaphandle kwaMi; kodvwa naninaMi ningenta tintfo tonkhe.” Njengoba ALivi, LinguBabe aphiila. “Babe watfuma Mine, naMi ke ngiyanitfuma. Njengoba Babe aNgibaselile futsi waNgifucela kuyoyonkhe intfo, Ngenta kuphela loko lokutfokotisa Nkulunkulu. Manje, njengoba Angitfumile Mine, kanjalo naMi ngiyanitfuma netiNsimbi letakh'umshina letifanako, futsi kutsatsa eMandla ekuhambisa lafanako kuKwenta kusebente. Naletibonakaliso leti tiyobalandzela labatisho kutsi banetiNsimbi letakh'umshina. EMandla ekuhambisa ayotsatsa indzawo yaWo.”

¹¹⁸ Pawula watsi, “LeliVangeli alitanga kitsi ngeLivi kuphela,” ngagasolina kuphela, “kodvwa nangeNhlase yemlilo futsi,” kuLenta lihambe. Nako laph’ukhona. Leta kitsi ngaleyondlela.

¹¹⁹ NguMoya lofanako, lowaMvusa, lowaphilisa likholwa leliciniso liye ekuPhileni lokuPhakadze. Manje khumbulani, kungashiwo nje... Manje bukani, njengoba siphuma esikhatsini setfu. Caphelani, “loMoya lofanako,” manje, kubaseRoma 8:1. Manje ake sikufundze nje loko futsi, kubaseRoma 8:1, futsi sitobona kutsi loko kutsini. Kulungile. Futsi akusiko kubaseRoma... Ngicondze, 8:11, ngiyacolisa.

¹²⁰ KubaseRoma 8:11, “Kepha uma...” Nayò inkinga. Nako kubamba kwaKhe.

Kodvwa uma uMoya waloyo (Nkulunkulu, uMoya loyiNgcwele) lowavusa Jesu kulabafile ahlala kini,...

¹²¹ Manje, nako laph'ukhona, "Nangabe uMoya weMyeni ahlala kuMlobokati!"

¹²² Ngesikhatsi Nkulunkulu enta umyeni waKhe wekucala, Wenta umyeni kucala, futsi bekangiko kokubili wesilisa newesifazane, emoyeni; wambumba ngelutfuli lwemhlabatsi, kumenta aphatseke. Futsi caphelani ngesikhatsi Enta Eva, kuAdamu, Akatsatsanga lesinye sigadla selubumba, Watsatsa esigadleni lesifanako selubumba; Livi lelifanako, ngoba Adamu bekaLivi lelikhulunyiwe. Niyabona na? Watsatsa kuye, waseke sekatsatse i...Bekanemoya webulisa nebufazane. Wase ususa umoya webufazane kuAdamu, wawufaka kuEva; ngako kuseyincenye yemoya wa-Adamu, yinyama yaAdamu. Ngakoke, kwakungumoya wa-Adamu, emandla ekuhambisa, laphilisa tinsimbi letakh'umshina emtimbeni wakhe.

¹²³ Ngako uMlobokati naye ufanele abe yinyama yenyama yaKhe, nelitsambo lelitsambo laKhe. Manje-ke lenyama lefako itoba kanjani yinyama yenyama yaKhe na? Sitofika kuko emzuzwini, niyabona. Kwentiwa kanjani na? Kanjani na? Kuyini lokuguculwa loku lokukhulu na? Caphelani.

*Manje uma uMoya waloyo (Nkulunkulu) lowavusa
Jesu kulabafile ahlala kini, loyo lowavusa Khristu
kulabafile uyophilisa futsi nemitimba yenu lefako ngaye
Moya wakhe lohlala kini.*

¹²⁴ O, hhe! Loyo Longulomiselwe ngaphambili, kusobala, njengeMbewu ilele emhlabatsini, loyo LobekanekuPhila kubo. Labanengi babo bebafile; bebatimbewu lebetibolile nje; emanti netintfo tatishisa. Kodvwa, niyati, kwakukhona iMbewu lebeyilele lapho ilungele kuPhila. Nkulunkulu bekati kutsi Yayilele lapho.

¹²⁵ Manje, labo Labamiselwa ngaphambili ngibo kucala labatophiliswa nguMoya loNgcwele, ngoba Moya loNgcwele utela kutofuna baWo luCobo. Manje, loku kujulile manje, futsi cinisekani kukubamba kahle loku.

¹²⁶ Manje, njengoba lilanga latfunyelwa emhlabeni wonkhe, hhayi kutsi liletse emadvwala, lokwakungumhlabatsi nawo, kutsi aphile, kwakungesiko kuphilisa wonkhe umhlabatsi, kodvwa kwakukuletsa incenye yemhlabatsi lowawuvalele umbonye kuphila.

¹²⁷ Akusibo bonkhe labayokwemukela Khristu. O, cha. Kodvwa labo Nkulunkulu labancumela ngaphambili ekuPhileni, wakhelwe indlu wambonywa ngalomunye wemhlabo, nguLoyo Latela kutomphilisa. BanguLabo.

¹²⁸ Loyo, manje, lowomhlabatsi uyolala lapho elangeni, bese utsi, "O, lelilanga lelidzala lishisa kakhulu!" Lelodvwala, litsi, "Lelilanga lelidzala lishisa kakhulu!" Kodvwa leyombewu lencane, yatsi, "Nguloko lengikufunako," futsi icala kuchuma iphile. Liphilise leyoncenye yemhlabatsi. Ngoba, lilanga

alitfunyelwanga kuphilisa lidvwala, akusiko kuphilisa umhlabatsi, kodvwa kuphilisa kuphila kwembewu.

¹²⁹ Manje, uMoya loNgcwele uya fika manje. Kusobala, Awutfunyelwanga... Kungani bangeke bantfu bonkhe ba Wemukele na? Awutfunyelwanga kubo.

¹³⁰ Lomunye umfo wangitjela, “Angikholwa. Angikhatsali kutsi bewungatsini. Uma bewungavusa labafile, noma yini, futsi uphilise labagulako; futsi uWufakazele, noma ngayiphi indlela; ngisaloku nginga Wukholwa.”

¹³¹ Ngatsi, “Impela ungeke. Ungulongakholwa. Awusho lutfo kuwe. Awutfunyelelwanga ngisho wena. Utfunyelwelwe labo labayokholwa.”

¹³² UMLayeto ucondziswe ekholweni. Kulabo lababhubhako, Ubuwula; kodvwa kulabo labakuKhristu, nalabayincenye yaleyoMbewu, UkuPhila.

¹³³ Indzatjana yami lengaklungiswa kahle mayelana nemlimi afaka licandza ngaphansi, noma licandza lelukhozi ngaphansi kwesikhukhukati. Niyabona na? Lolokhozi loluncane lwalu, ngekwelucobo, lwalu-lwalubukeka luyincaba, sidalwa lesincane. Ngesikhatsi lomlimi asentile leyontfo layenta, kufaka lelicandza lwelukhozi ngaphansi kwalesikhukhukati lesi lesidzala. Futsi sachobosela lintjwele lelibukeka lingaketayeleki, futsi laliyi-laliyincaba, umfo lomncane. Lwalungabukeki lufana nawo. Timphiko talo lwalungafani njengawo onkhe lamanye, futsi Iwa-lwavele nje... Lwaluyincaba, umfo lomncane. Futsi onkhe lalamanye emantjwele alwati njengemfo loyincaba. Nesikhukhukati sahambahamba lapho...

¹³⁴ Lwalungakutsandzi ngisho lokudla lesasiludlisa kona. Lwalungakutsandzi nje-loko kuchwandza esibuyen. Lona, lwalungakaphatselani nalutfo naloko. Ngako lwamangala kutsi kungani lona lube yincaba ngalapho, empeleni. Niyabona na? Futsi aluzange lunambitse noma yini le... Ludla nje lokwenele kulugcina luphila, ngoba lwalungakutsandzi kunambitseka kwako, niyabona. Ngoba, lwalungesilo lintjwele lenkhukhu, kwasekulcaleni nje. Niyabona na?

¹³⁵ Futsi si-sikhukhukati sasikukuta, futsi, niyati, “Tinsuku temimangaliso selwendlulile. Ayikho intfo lenjalo. Joyina libandla.” Akuzange nje kushaye khona, kulomfo lomncane. Ngako lwallandzela lutungeleta sikhukhukati kwaze kwatsi ngalelinye lilanga make walo...

¹³⁶ Lukhozi loludzala belwati kutsi lwalukadze lufukamele emacandza langaka, futsi kwakunalinye lelalilahlekile. Lwalwati kutsi lolokhozi lwalundzawanatsite, ngako lucala kuphuma lulutingela. Futsi lwashaya indingilizi esicongweni sentsaba, nasentasi etigodzini, nangetulu ndzawo tonkhe lapho lwalungahle lubekhona. Ngalesikhatsi lesi, lona, sekusikhatsi

salo sekutsi latalwe. Sekusikhatsi sekutsi luchoboselwe. Lwatsi, “Mhlawumbe kungene lihhwabai labutsa licandza lami; mhlawumbe lingce. Angati. Kukhona lokubutse licandza lami. Kodvwa ngiyati... Lelocandza lisemcondvweni wami. Nginendvodzana ndzawanatsite. Kufanele ngiyitingele.”

¹³⁷ Wentenjalo naNkulunkulu. UnguloloKhozi loluKhulu. Emicabangweni yaKhe Bekati kutsi Uyoba neliBandla. Bekati kutsi Uyoba nebantfu. Kungenandzaba kutsi yini leyayibasingetse, kungenandzaba kutsi bachoboselwa ngaphansi kwani, Uyatingela. Uttingela baKhe luCobo.

¹³⁸ Futsi ngalelinye lilanga, indzaba iyachubeka, lolukhozi loludzala lwandizela etikwalesibuya. Lwalufuna yonkh'indzawo, futsi lwayitfola. O, kwaloko kuvuka, kucondza kutsi impela lwalungesilo lintjwele lenkhukhu, empeleni. Lwalulukhozi! Futsi lwalufundziswa njalo kutsi lubuke phansi, lufune silokatane noma lokutsite ehhokweni. Kodvwa lweva kumemeta lokukhulu, lokwatsi, “Buka etulu *ngalapha!*” Futsi lwabheka etikwalo, futsi kwakukhona sidalwa lebesinetimphiko lettingemafidi lalishumi nakune, lesinemandla kwendlula tonkhe tinkhukhu lebetisesibuyeni, futsi lwatsi luyindvodzana yalo.

Lwatsi, “Make, ngingafika kanjani kuwe na?”

¹³⁹ Lwatsi, “Gcuma nje, cala kubhakutisa timphiko takho, ngoba ulukhozi.”

¹⁴⁰ Niyabona, lwalwati kutsi lwalunendvodzana ndzawanatsite. Akunandzaba kutsi yayikhuliswe kuphi, lunendvodzana ndzawanatsite.

¹⁴¹ NaNkulunkulu uyati! Haleluya! Unalelamiselwa ngaphambili, liBandla lelakhetselwa ngaphambili! Bekati kutsi Unemadvodzana nemadvodzakati, neMlobokati, lolindzile ndzawanatsite; uma uMoya loNgeweule ucala kundizela ngetulu kwalo, lesoSifungo lesijikitwako. O, hhe! Unguye itolo, namuhla, naphakadze. Akusiyo indzaba leyinsumansumane, kodvwa yintfo lekhona!

¹⁴² Akunandzaba kutsi bangakhi labetama kulutjela, “lukhozi,” lwalungati kutsi kwakuyini lukhozi. Noko, lwalulukhozi. Lwalungakucondzi lwaze lwabona intfo leyenta kutsi lubone, leyalubonisa lona, njalo.

¹⁴³ Futsi uma sibona, hhayi lihlelo, hhayi iPh.D., hhayi iLL.D., hhayi makhelwane lolungile; kodvwa indvodzana yaNkulunkulu lebunjwe ngemfanekiso waNkulunkulu, ineMandla ekuhambisa aNkulunkulu kuphendvula sicelo salolusu, kutsi Unguye itolo, namuhla, naphakadze, akukho sikhukhukati lesitokubamba. Luttingela Make walo. Lulukhozi, kwasekucaleni. Luyacondza. Lolukhozi sibili luyakucondza kubita kweLivi laNkulunkulu. Ngani na? Lulukhozi. Lukhozi elukhozini! Livi ngaphambi kwesisekelo,

Livi eVini! LeLivi, lelamiselwa ngaphambili, eVini lelibhalelwelihora. Uyayicondza indzawo yakho. LuyaYitingela.

¹⁴⁴ Luko-ke, lomtimba wasemhlabeni, uyaphiliswa futsi uletfwe kophilisa kwaMoya waNkulunkulu ekutfobeleni Livi laNkulunkulu.

¹⁴⁵ Ngekushesha. Ngesikhatsi selufuna kwati kutsi lungafika kanjani lapho lube naye make walo, lwalukadze lufundziswe kutsi lungeke lukwente loko. “Ungeke ube ngetulu kwekugcuma kwakho.” Uyinkhukhu. Niyabona na?

Kodvwa lolukhozi lwatsi, “Loko akunjalo.”

“Yebo-ke, awubuke letinkhukhu!”

¹⁴⁶ “Akunandzaba kutsi letinkhukhu tiyini, wena ulukhozi. Cala nje kwelula letotimpiko, bese utsi kutejwayeta kancane. Ucale kusuka uye etulu!”

¹⁴⁷ Livi eVini! “Lemisebenti leNgiyentako mine nani nitoyenta futsi. Loyo lokholwa ngiMi, lemisebenti leNgiyentako mine naye utawuyenta futsi.” Niyabona na? “Ngoba Ngiyaphila mine, uyaphila naye.” “Futsi uma loMoya lowaMvusa kulabofile ahlala kini, Uphilisa umtimba wenu lofako.” Niyabona na?

¹⁴⁸ Wentani Wona na? Manje lalelani, kuze nati. NaleliPhasika leli, ngifuna lisho lokukhulu kini kunaloko lelake lakwenta noma nguliphi liPhasika lelake lakwenta. Niyabona na? Ngifuna nilibone. Siyati kutsi LiMenteleni; kodvwa ngifuna nilibone, hhayi kutsi niyolibona, Linentele intfo lefanako. Niyabona na? Lentani na? Liphilisa umtimba lofako. Lomtimba lofako lesiphila kuwo, Liyawuphilisa, ngalamanye emagama, luwuletsa ekuPhileni.

¹⁴⁹ Manje, wena lowake wahamba nesigazo lesikhulukati emlonyeni wakho, nako konkhe, noma sikhehle seligwayi; nani nine besifazane lenake naba netinwele letimfishane, nipendile, futsi nachubeka, futsi nigcoka tikhindi, netintfo letinjalo; kwaba kanye nje, Intfo letsite yamemeta kakhulu, futsi buka phansi lapha futsi KwakuLivi. Niyabona, Laphilisa wakho.. Wena watsi, “Angisatifuni tikhindi, angisabufuni tjwala, angisakufuni kucamb’emanga, angisakufuni kweba, angisakufuni *luku, loko*” Niyabona na? LoMoya lowaMvusa kulabofile, lohlala kini, uyoletsa nemitimba yenu lefako futsi, lutfuli lwemhlabatsi, kutsi utfobe. Niyabona na? Kuyini na? Utfobele ini na? Khristu. Ngubani Khristu na? Livi. Hhayi lesayensi yetenkholo, kodvwa Livi!

¹⁵⁰ Bese-ke uyasho, kutsi, “Letintfo leti, o, ngicabanga kutsi kulungile kutsi besifazane bagcoke emabhuluko.”

¹⁵¹ Libe kantsi, Livi litsite, “Cha.” Niyabona, Likuphilisela kuLoko. Niyabona na? Udvonselwa kuLo. Niyabona, nguwe, ngalesosikhatsi. Kuba... Uba yincenye yeLivi. Laletsa umtimba wakho, hstayi...

¹⁵² Yebo-ke, wena utsi, “Yebo-ke, manje, ake ngikutjele leny’intfo. Umfundisi wami...” Anginanzaba kutsi umfundisi wakho utsiteni; kukutsi Livi litsini! Uma ufunu kuba yinkhukhu, chubeka naye. Kodvwa uma umfundisi akhuluma lokwehlukile kuleLivi leli, khona-ke akasuye umondli wetinkhozi; uh-huh, ungumondli wetikhukhukati, niyabona, hhayi wetinkhozi. Niyabona na? LuKhozi ludla Kudla kwelukhozi. Niyabona na? Liyaphilisa!

¹⁵³ LiBhayibheli latsi kuliphutsa kwenta loko, nemunfu nalokunjalo nako konkhe lenikwentako, kuliphutsa. Utsi, “Tinsuku temimangaliso lwendlula.” LeliBhayibheli latsi Unguye itolo, namuhla, naphakadze. Uma batisi, “Loko kukufundza umcabango ngengcondvo. Futsi kuluhlobo lolutsite lwekufundza umcondvo, lokuhlola lokufihlakele. Nayo yonkhe lemibono netintfo, ngumbhedvo,” niyabona, batinkhukhu. Abati kutsi Kudla kwelukhozi yini.

¹⁵⁴ Kodvwa, mnaketfu, uma uva loko kumemeta lokukhulu, ikhona Intfo lekuwe! Ulukhozi, kwekucala nje. Ngani na? UnguleyoMbewu, kutsi kuvuka kwe N-d-v-o-d-z-a-n-a sekusile, neSitfungo lesijikitiswako etikwemhlabo, kukwenta ucondze kutsi ulukhozi futsi awusilo lintjwele lenkhukhu lelihlelo. Niyakubona na? Ha!

¹⁵⁵ “Uma uMoya lowaMvusa kulabofile,” Livi, eMandla ekuhambisa eLivi, “ahlala kini, Uphilisa nemtimba wenu lofako.” Manje siyinyama yenyama yaKhe nelitsambo lelitsambo laKhe kanjani na? Ngoba, ngekushesha, kwatsi sisetoni letifako, letifako, silungele kufa, lemitimba, Waphilisa lowomtimba. Yini *kuphilisa* na? “Kuletsa ekuPhileni.” Lomoya lowake watsanza kunatsa, wehle wenyuka, uphinga, nato tonkhe leti, uphilisiwe; ngani, lentfo yafa, futsi senivukile kulabofile. Uphilisa umtimba wenu lofako.

¹⁵⁶ Ngako-ke, imitimba yenu ulithempeli leMandla ekuhambisa, ngoba (ngani na?) kusukela ekucaleni niyincenye yetiNsimbi letakh’umshina. O! Nako kuvuka kwenu. Nalo ke liBandla ekuvukeni, kanye naYe. Lemitimba njengamanje iyaphiliswa. Niyabona, nivile; niyakholwa. Kunigucule nasuka ehlelwени naya eVini. Niyabona na?

¹⁵⁷ EMandla ekuhambisa, uma Efika etikwemanti, itovele nje ibhubhutele; “Tinsuku temimangaliso lwendlulile.” Bha-bhabha, “O, ngiyalikhholwa liBhayibheli,” bha-bha-bha, “kodvwa a—akukho...” Bha-bha-bha! Niyabona na?

¹⁵⁸ Kodvwa uma Ashaya leyo okteyini lenemandla layinkhulungwane, “Vuuuum,” isuka ihambe, niyabona. Kanjani, hhe, eMandla ekuhambisa ashaya Loko! Kodvwa Ashaya inkhukhu, akunakusita ngalutfo. Kodvwa uma Sekashaya lukhozi, luyaphuma. Amen! Emandla ekuhambisa

naletiNsimbi letakh'umshina! Niyabona kutsi ngisho kutsini na? Loko kukutsi, uma alukhozi lwangempela manje, uto "condza."

¹⁵⁹ Ake ngingondzisele umBhalo lomncane lapha. Ngicabanga kutsi sijubekile elucingweni, kodvwa sisekhona lapha. Johane loNgcwele 5:24, Jesu watsi, "Loyo lova Livi laMi, akholwe NguloNgitfumile, unekuPhila lokuphakadze." Manje bukani, ngehla ngesitaladi bese nje ngiyakutsatsa loko impela, kutsi Liyini, ngaphandle kwekucondza kwakamoya... NgingaLenti lisho lutfo lolunye, kodvwa nje ngisho loko leLikushoko, niyabona, ligama lelingilo impela lapho, ngesiGrekhi, kulekucala, kutsi, "Loyo locondza Livi laMi."

¹⁶⁰ Manje, kufakazisa kutsi loko kungiko. Ngehlela lapha, futsi nangu lodzakiwe eta ngesitaladi, futsi agacene nalomunye umfati wemuntfu ngemkhono, futsi etfuka, futsi aliphatsa ngelite liGama laNkulunkulu, nako konkhe lokunye kanjalo. "Awusho, umvile kutsi utsiteni loyamshumayeli na? Umvile?" "Ya, ngiKuvile!" Loko akusho kona kutsi unekuPhila lokuPhakadze. Niyabona na? Niyabona na?

"Loyo locondza Livi laMi," loyo lolukhozi!

¹⁶¹ "Manje, Mnaketfu Branham, ngifuna lomunye umBhalo ngetulu kwaloyo."

¹⁶² Kulungile, "Timvu taMi tiyaliva liPhimbo laMi. Umfokati tingeke tamlandzela."

¹⁶³ Njengaseludzabeni lweMshado NeDivosi, ngalelelinye lilanga. Ngesikhatsi uMoya loNgcwele ungitjelile loko, ngyefika ngyakusho ngayo nje indlela Langitjele ngayo.

¹⁶⁴ Lomunye dzadze longumfundisi wangiphendvula ngemavi lahlabako, atsi nje kungitsetsisa kancane. Watsi, "Ngibona kwangatsi utsatsa indzawo yaNkulunkulu?"

Ngatsi, "Cha, memu."

¹⁶⁵ Watsi, "Yebo-ke, ubatjele kutsi sono sabo sitsetselelwe." Watsi, "Kuphi na?" Watsi, "NguNkulunkulu kuphela lonemandla." Niyabona, lomunye umFarisi. Niyabona na?...?...

¹⁶⁶ Ngatsi, "Uyabona, kute wati, kutsi, Jesu watjela Phetro nebapostoli, emvakwekuba sekabenesambulo sekutsi BekaNgubani."

WaMtjela, "Wena unguKhristu, iNdvodzana yaNkulunkulu."

¹⁶⁷ Watsi, "Ubusisiwe," niyabona, "ndvodzana yaJonasi; inyama nengati akukakwembuleli Loku, kodvwa Babe waMi loseZulwini uKwembulile. Etikwalelidvwala Ngiyawulakha liBandla laMi; emasango esihogo angeke aLehlule. Futsi Ngikunika tikiya; noma yini lokubopha emhlabeni, Ngitokukubopha eZulwini; loko lokukhulula emhlabeni..."

¹⁶⁸ Leso ngulesosambulo sebuNkulunkulu seLivi lentiwe inyama. Nangabe beliyinyama ngalolosuku ngeNdvodzana, uMyeni, liyinyama nanamuhla ngeMlobokati. Niyabona na? “Noma ngabe tabani tono lenititsetselelako, kubo titsetselelwe; noma ngabe ngubani lenimbambela tono, kubo tibaniwi.”

¹⁶⁹ Manje, libandla laseKhatolika latsatsa loko bese likuyisa kubapristi balo, kodvwa loko kukwenyama.

¹⁷⁰ Caphelani, kwakukwakamoya, Livi lelembuliwe lelakwenta!

¹⁷¹ Nguleso sizatfu Abatjela kutsi bahambe babhabhatise e “Gameni” leYise, iNdvodzana, Moya loNgcwele. Bekati kutsi bebamati kutsi BekaNgubani.

¹⁷² Ngikhuluma nemshumayeli lomncane ngalelinye lilanga, watsi kimi, watsi, “Manje, Mnaketfu Branham, ngiphumile ngajoyina, ngaweleta ebandleni *lelitsite-tsitsite*, libandla lePentecostali.”

¹⁷³ Lapho, iPentecostali manje seyicale kutsatsa sinkhwa lesilicebelengwane leliyindingilizi, niyati. Nivile ngaloko, ngiyacabanga; lesinkhwa ikosha, nkulunkulu wenyeti, niyati. Futsi onkhe asemukela futsi ayasitsatsa. Lendvodza yatsi... Libandla layo—layo laya kuyo; watsi, “Lengikubusisako kubusisiwe.” Manje, loko akusiko yini lokushiwo ngumpristi, u “nemandla ekusigucula sibuyelete sibe ngumtimba waKhristu na”? Niyabona, lokusitfupha kwakunye kuyafana nehhafu yedazini yalolo kunye, kuyafana nje.

¹⁷⁴ Wase utsi, “Ngifuna kukubuta intfo letsite.” Beketama kubalekela leyondzaba yembhabhatiso eGameni laJesu, ngoba lena kwakunguyona ndvodza leyatsi kwa—kwakungumphikukhristu lowenta loko. Yatsi, “Ucabanga kutsi kudzingeke mbamba yini kutsi umuntfu ufanele abhabhatiswe eGameni laJesu Khristu na?”

Ngatsi, “Yebo, mnumzane.”

¹⁷⁵ Watsi, “Emvakwekuba sekabhabhatiswe egameni le ‘Yise, iNdvodzana, neMoya loNgcwele na?’”

¹⁷⁶ Ngatsi, “Yebo, mnumzane. Akakabhabhatiswa, nhlobo. Niyabona na? Akakabhabhatiswa, nhlobo; akukho Gama. Leso sicu.” Ngatsi, “Akutsatfwa njengentfo lekhona.” Ngatsi, “Kungani a—kungani Phetro a...”

¹⁷⁷ Yatsi, “Yebo-ke, manje, ake ngikutjеле lokutsite.” Yatsi, “Manje, eTentweni 10:49, yatsi, ‘Kwatsi Phetro asakhuluma lamavi lawa, uMoya loNgcwele wehlela etikwabo.’”

¹⁷⁸ “Kodvwa,” ngatsi, “wagucuka khona lapho wase utsi, ‘Ukhona yini longala nemanti kutsi laba bangabhabhatiswa na?’”

¹⁷⁹ Yatsi, “Yebo-ke, bewukhuluma laphaya, esikhashaneni lesendlulile, ngeTento 19, lapho Pawula adzabula khona elugwini lwangasenhla e-Efesu, watfola labobafundzi.” Yase itsi, “Ngani,” yatsi, “bebangakabhabhatiswa egameni leYise, iNdvodzana, neMoya loNgcwele.”

¹⁸⁰ Ngatsi, “Cha, bebabhabhatisew ‘kuko kumphendvuka,’ kungesiko kutsetselelwa kwetono. ‘Kuko kumphendvuka,’ ngoba Jesu bekasengakentiwa kutsi atiwe. UmHlatjelo wawungakabulawa.”

Yatsi, “Yebo-ke, kungani badzingeka kutsi babuye babhabhatisew na?”

¹⁸¹ Ngatsi, “Lomuntfu lobekanetikhiya, washo loku, ‘Ngako akwateke kini kutsi alikho futsi lelinye liGama ngaphansi kweliZulu lelinikiwe ebantfwini, lenimelwe kusindzisia ngalo.’”

¹⁸² Insindziso kuphela ingena ngeliGama laJesu Khristu. “Noma yini lenikwenta ngelivi noma ngesento, kwenteni konkhe eGameni laJesu Khristu.” Alikho futsi lelinye ligama, akukho bandla, akukho tigaba tekubusa, akukho ticu, noma yini lenye! Noko, UyiMbali yaseSharoni, uMnduze wesiGodzi, iNkhanyeti yeKusa, Alfa, Omega, kuCala nekuGcina, Jehova-jire, -rafa, -manase, konkhe loku. Ungito tonkhe letintfo leti, kodvwa noko U...Akukhonsindziso kunoma ngusiphi saletoticu; *Jehova*, akukho nsindziso; *Mbali yaseSharoni*, naloku Angiyo, akukho nsindziso; *uYise, iNdvodzana*, noma *uMoya loNgcwele*, akukho nsindziso. Kuphela liGama la “Jesu Khristu!” Lase lisho-ke liBhayibheli, kutsi, “Kuphendvuka nekutsetselelwa kwesono kufanele kufundziswe eGameni laKhe, kucalwe eJerusalem, futsi kuye emikhawulweni yemhlaba.”

Yatsi, “Ucabanga kutsi ukhona umehluko lokuwentako na?”

¹⁸³ Ngatsi, “Mnumzane, kukhona lengifuna kukubuta kona.” Yona nami, nemkami, sasihleti etafuleni. Yavele nje yeta ngalapha. Yangibona, ngahamba...Ngatsi, “Sobabili sibase-Arizona; sihlala lapha. Nami, futsi siyalati likhansela letfu, neliwadi letfu, nako konkhe, nemeya yetfu, umphatsi wahulumende, yonkh’intfo.”

Yatsi, “Yebo.”

¹⁸⁴ Ngatsi, “Manje, kube ngikutjelile, mnaketfu, kutsi, ‘Hamba uye ngalapha usayinele lidina letfu, egameni leMphatsi wahulumende weSifundza saseArizona,’ bewungahamba ulisayine kanjalo na? Ucabanga kutsi bebangalemukela edeskini na?”

¹⁸⁵ “Ngani,” yatsi, “Ngicabanga kutsi ngeke.” Yatsi, “Wakusholani Jesu loko na?”

¹⁸⁶ Ngatsi, “Ngiko loku, uyabona. Ngani na? Uma ngikutjele kutsi ‘hamba usayinele lelidina, egameni leMphatsi

wahulumende weSifundza saseArizona,’ natsi sitakhamiti taseArizona, futsi simati kutsi uMphatsi wahulumende kutsi ngubani, ngani, bewutokwati kutsi ulisayine egameni la ‘Sam Goddard,’ uyabona.” Ngatsi, “Ngoba, unguMphatsi wahulumende. Asikho sidzingo sekutsi ngikubute. Uyati kutsi ngubani uMphatsi wahulumende. Futsi, ngesikhatsi Atsi, ‘UYise, iNdvodzana, neMoya loNgcwele,’ Bekati kutsi bebatobhabhatisa kanjani. Bebamati kutsi BekaNgubani. ‘Timvu taMi tiyaliva liPhimbo laMi.’ Niyabona na? Niyabona na?”

Yatsi, “O, ngiyabona.”

¹⁸⁷ Kodvwa manje, intfo lelandzelako, utokholwa na? Niyabona na? “Loyo lova Livi laMi, futsi akholwe NguloNgitfumile, unekuPhila lokuphakadze.” Futsi uma lokuPhila lokuPhakadze lokusha kuhlala kuwe, Kuyintfo leseyingasebenta.

¹⁸⁸ Uma senemukele loMoya loNgcwele manje, loko labakwenta ePentecosti; bebatinsimbi letakh’umshina, manje eMandla ekuhambisa kwakufanele afike. Bebakholiwe. Niyati, bangani betfu labangemaBaptisti lalungile usitjela kutsi, “Ngesikhatsi sikhola, sisuke sesinaWo.” Kodvwa, bebangenaWo, noko bebakholiwe.

¹⁸⁹ Tento 19, bebakholiwe, kodvwa bebangenaWo. “Namemukela yini Moya loNgcwele kusukela nakholwa na?” Niyabona na? BebanetiNsimbi letakh’umshina, tikahle, ngoba bapostoli beba... Noma, ngicondze kutsi, Apollos bekafundzisa kubo futsi afakazisa ngeliBhayibheli, tiNsimbi letakh’umshina, kutsi Jesu bekanguKhristu, kodvwa bebangakabi nawo eMandla ekuhambisa. Niyabona na? Nguloko-ke. Kulungile.

¹⁹⁰ [Akucoshwanga etheyiphini—Umhl.] . . . -nsimbi letakh’umshina, kungashiwo ke kutsi seninaso sibambiso, kulindza.

¹⁹¹ Manje, uma nitfola eMandla ekuhambisa, niphiliswe ekufeni naya ekungafini. Enta wonkhe umtimba ufile utfobele Livi. Ayonenta nitiphatse ngalokwehlukile, nibukeke nehlukile, niphile ngalokwehlukile. Ayonenta nehluke nje.

¹⁹² Manje bukani. [Akucoshwanga etheyiphini—Umhl.] . . . niphilisiwe. “Nine lenake naba ngulabafile ngesono nangetiphambeko, nangebumnyama, Uniphilisile.” Ngani na? “UMoya waKhe lowavusa Jesu,” ekuseni ngePhasika, “kulabafile. Futsi uma Ahlala emitimbeni yenu lefako,” manje bukani, “Uyaphilisa futsi, uletsana ekuPhileni, wenta kutsi utfobele Livi.”

¹⁹³ Manje, ungatisho kanjani kutsi unalowoMoya, kepha utiphonse le uphume eVini na? Uphiliswe ngalenye intfo. Ngoba, Utophilisa imitimba yenu lefako iye eVini. Impela, Uyokwenta.

¹⁹⁴ Ningke nijijime ngaphandle kwaWo. Niyovele nje nichaphatele, uma ningakukholwa konkhe kwaWo. Uma ninencenyé yagasolina nencenyé yemanti, aninokuya ndzawo. Niyabona na? Nifanele niwutsatse ube likhulu lemaphercenti, gasolina. Uma ningakwenti, anilumeki, futsi aninamandla. Niyabona na? “Kodvwa ngi—ngikholwa *loku*, kodvwa angikholwa *Loko*,” bha-bha-bha-bha. Aninokuya ndzawo.

¹⁹⁵ Kodvwa, o, uma nitsatsa kugewala! Awulayide kuloko, lonkhe Livi liliCiniso!

¹⁹⁶ Ngako-ke caphelani manje, njengoba sesivala, caphelani loku. Caphelani, kufana nje nalencane—nalencane imbewu lelele emhlabatsini.

¹⁹⁷ Manje, sekungashiwo ke, senivukile kulabafile. Nivuswa kulabafile uma nemukela Moya loNgcwele ngekhatsi kini. Nivuswa ngaso lesosikhatsi. Umtimba wenu sekungashiwo ke kutsi sewuvukile.

¹⁹⁸ Bukani imbewu lencane. Yihlanyele emhlabatsini. Ifanele inatse emtfonjeni waKhe, emanti latfululeka phansi. Futsi uma inatsa, ifuca iye etulu ngakuYe, isolo iya ngekufana kakhulu nokufana nembewu leyangena emhlabatsini. Niyabona na?

¹⁹⁹ LiBandla lita ngaleyondlela, ngekulungisiswa, kungcweliswa, umbhabhatiso waMoya loNgcwele, manje lisekuchakazeni. Niyabona na? UMoya waNkulunkulu ufika ngaloko.

²⁰⁰ Nemoya welive ufika ngemphikukhristu, indlela lefanako, futsi manje uchakaza enhlanganweni lenkhulu yemabandla, niyabona, yonkhe lentfo.

²⁰¹ Nemunfu ngamunye ufika ngaleyondlela. Yonkh'ntfo isebenta ngalokufanako, esikalini saNkulunkulu lesifanako, ngoba Unguye itolo, namuhla, naphakadze. Caphelani, endlelemini yenu, nikhula niya ekugewaleni kwekuvuka kulabafile, niholwa nguMoya!

²⁰² Njengelilanga, l-i-l-a-n-g-a, lidvonsa lesositfombo lesincane lesinatsa emtfonjeni waNkulunkulu, nje kugcina... Niyabona, singanatsa kuphela entfweni yinye. Ake utsele i-oyili phansi etikwaleyombewu lencane ngalesinye sikhatsi; uyayibulala. Kunjalo. Tsela emanti lamile, emanti lamadzala langakalungi, onakele, atoyenta ibhabhadlele ekutseni ikhule. Ingeke itsele sitselo. Kunjalo na? Kodvwa tsela emanti emvula latsambile lamahle, ameni, kungekho titsako temitsi leyentiwe ngumunfu kuwo, wavumele nje avele emazulwini etulu, besé ubukela lesositfombo lesincane. Akukho manti layokhulisa leso njengalawomanti emvula. Faka iklorini sibulalamagciwane netinfo kuso, njengoba nitama kunatsisa tsine ngaso, futsi, intfo yekucala niyati, sibulala lesitfombo.

²⁰³ Nguleyo-ke indzaba namuhla. Betama kubanika emanti lavela emtfonjeni welihlelo, futsi abhabhadleisa kukhula. Niyabona na? Kodvwa ake umyeke abe ne . . .

Kuvela lapho ematfonsi ematolo emusa
akhanya khona;
Kungikhanyisa ndzawo tonkhe emini
nasebusuku,
Jesu, kuKhanya kwelive.

Khona ke sewukutfolile, ngalesosikhatsi.

Sitohamb'ekuKhanyeni, loko kuKhanya
loukuhle,
Kuvela lapho ematfonsi ematolo emusa
akhanya khona;
Nje kungikhanyisa ndzawo tonkhe.

²⁰⁴ Susani kimi lemitfombo leyentiwe ngumuntfu! Awukho lomunye umtfombo lengiwatiko; lutfo ngaphandle kweNgati yaJesu! Nguloyo kuphela uMtfombo lengifuna kuwati. Livi alihlale kimi, Nkhosi; Linisele ngaMoya waKho.

²⁰⁵ Caphelani, manje, uma loyoMoya lowavusa Jesu ethuneni, ahlala kini, sekungashiwo kutsi unako kuPhila; uholwa nguMoya, kophilisa Livi kuwe, kuLikholwa. Intfo lencane isolo ifuca iya etulu nayisakhula.

²⁰⁶ Caphelani, ePentecosti, imitimba yabo yaphiliswa yaba sekuPhileni lokusha. Bukani sicuku semagwala lamancane.

²⁰⁷ Ngabe nginihlalisa sikhatsi lesidze kakhulu na? [Libandla litsi, “Cha.”—Umhl.] Bukani, ngiyafutfumala nje, nguloko, ngitiva ngikahle. O, hhe!

²⁰⁸ Caphelani, bebaligwala. Caphelani. Kodvwa, bebanetiNsimbi letakh’umshina. Niyabona na? Kodvwa bonkhe bebableti emuva ekhatsi lapho, batsi, “O, ngiyabesaba. O, ngiyesaba kuphuma ngifune lokukwami, ngoba, o, bonkhe labobabhishobhi labakhlukati netintfo ngaphandle lapho. O, ngiyesaba kuya. Labobapristi netintfo, ngiyesaba kufuna loko lokukwami, ngiyesaba kutsi ngitotsi bengiMkholwa. O, ngeke nje ngikwente loko, niyabona.”

²⁰⁹ Kodvwa, kwatsi khona lapho, kufika eMandla ekuhambisa. Yebo. Futsi Entani na? Awagcwalisanga umoya wabo kuphela, ngekhatsi, kodvwa Aphilisa tinsimbi letakh’umshina tabo. Imitimba yabo yaphiliswa. Bebangasesiwo emagwala. Baphuma babhekana nabo emehlwani bantu. Yebo, mnumzane. “Nine madvodza aseJudiya, nani nine lenakhile eJerusalema!” Kantsi, ngaphambi kwekutsi kufike eMandla ekuhambisa, bebatinsimbi letakh’umshina nje. Niyabona na? “Nine madvodza lenakhile eJerusalema, akwateke loku kini, nibeke indlebe emavini ami! Laba abakadzakwa, njengekucabanga kwenu.”

²¹⁰ Ngingulomunye wabo. *Loku nguLoko!* Ngitonikhombisa kutsi kuyini. *NgumBhalo.* *Loku nguLoko!* Futsi bengihlala njalo ngitsi, “*Uma loku* kungesiko Loko, angigcine *loku* kuzekufike Loko.”

²¹¹ “*Cha, loku kunguLoko lokwakhulunya* ngemprofethi Joweli, ‘futsi kuyokwenteka kutsi etinsukwini tekugcina, kusho Nkulunkulu, *Ngiyotfulula uMoya waMi* etikwayo yonkhe inyama.’” Niyabona, eMandla ekuhambisa angena etinsimbi letakh’umshina. Bebangasesabi nhlobo.

²¹² Labanye benu bantfu lenesabako kutsi lomunye wesifazane utornihleka uma ninetinwele letindze, nomi niyekela kutipenda buso; labanye benu madvodza lowesaba kutsi inhlangano yakho itokuphonsa ngaphandle uma ubhabhatisa libandla lakho ngembhabhatiso wemBhalo; udzinga kutivalela ekamelweni leliesetulu kuze kufike eMandla ekuhambisa. Kunjalo.

²¹³ Abagucula. Abaphilisa. Abenta behluka. Bababantfu labagucukile, kusukela ngalesosikhatsi kuchubeke. Abaphilisa, besuka ekuphileni lokudzala kwekuba ligwala, baya ekutsemi babe njengeNgwenyama yesive sakaJuda. Ngekwelucobo babhekana nekuvela lukholo, babetselwa etiphambanweni, babetselwa babhekiswa phansi, bashiswa, baphonswa emgodzini wemabhusesi. Akusekho magwala, ngabo. Kufa kwakungenakuncoba etikwabo, nhlobo. Emandla ekuhambisa besekasetinsimbi letakh’umshina. Yebo, mnumzane. Aphilisa umtimba wabo lofako.

²¹⁴ Manje lalelani. Nayi leny’intfo, lebufakazi. Abaphilisa kakhulu ngangekutsi baze (niyati kutsini?) baphakanyiselwa etindzaweni taseZulwini, nemitimba yabo lefako waphiliswa ngangekutsi lulwimi lwabo lwagucuka. Kuphela a... Aphilisa lulwimi lwabo. Nguloko liBhayibheli lelakusho. Futsi, imitimba yabo lefako iphiliswa, lulwimi lwabo lwaphiliswa. Imicabango yabo yaphiliswa. Imimoya yabo yaphiliswa. Kuphila kwabo kwaphiliswa. Baphiliswa, ngako konkhe! Betama kukhuluma, futsi ababange basakhona kukhuluma nomi ngatiphi tilwimi tebantfu. Bebaphiliswe kakhulu etulu eBukhoneni baNkulunkulu bate bakhuluma ngelulwimi lolusha, lulwimi lwaseZulwini. Whuuu! Emandla lanje pho ekuphilisa!

²¹⁵ “*Uma uMoya lowavusa Jesu kulabafile ahlala kini,*” o, haleluya, “*Uyophilisa umtimba wenu lofako.*” Uyonenta nente tintfo leningakaze natenta phambilini. Bese bagcwele eMandla ekuphilisa-ke. Niyabona na?

²¹⁶ Umtimba wenu awusasitfobeli sono; nine, tifiso tenu.

Utsi, “Phuman lapha!”

Nine nitsi, “Vala umlomo wakho.”

“O, sinalenkhulu kwendlula onkhe...”

“Vala umlomo wakho.” Hhe, ulukhozi!

²¹⁷ Nake nabona kutsi lukhozi loludzala luhamba lukhululeke kanjani na? Alucocomi njengelingce, niyabona, kuto tonkhe letifile, nayo yonkhe ingcuba lelele emhlabatsini. Cha, mnumzane. Luhamba ngekutichenya.

“Vala umlomo wakho.”

“O, nali lidina lelihle ngalapha.”

²¹⁸ “Akusilo lami. Niyabona, tifiso tami sesigucukile. Kudla lokutsandvwa yinhliyo yami kwehlukile. ‘Ngoba umuntfu akayuphila eveni ngengcuba yodvwa, kodywa ngalolonkhe Livi leliphuma emlonyeni waNkulunkulu.’” Lukhozi sibili lolophilisiwe luphila ngaLoko. Amen!

²¹⁹ O, futsi Wavusa Khristu ethuneni, uhleli kini, uphilise umtimba wenu lofako eBukhoneni baKhe. Wena uya Wucondza. Awusesiwo umtingeli wanoma yini ledliwako. Ulukhozi. Awutifuni tintfo telive. Uyindvodzana nendvodzakati yaNkulunkulu. Nititika ngelidzili eMtfonjeni live lelingati lutfo ngawo. NiyaWunatsa. Umuntfu uyati... Live alati lutfo ngawo. Nidla iMana lefihlakele live lelingakaze lati ngisho lutfo ngaYo, ngoba ulukhozi. Niyaphiliswa lapho ningafinyelela khona kuYo. Ningeke nifinyelele kuYo phansi *lapha*, nifanele nifinyelele etulu *lapha*. Nifanele niphiliswe, niphakanyiselwe lapho, kuze Upphilise.

²²⁰ Bentani na? Bakhulumu ngalolunye lulwimi. LiBhayibheli latsi bakwenta. “Bakhulumu ngalo lonkhe lulwimi lolungaphansi kweliZulu.”

²²¹ Ase nikucabange nje loko, leyomitimba lemidzala lefako losekhatsi lapho, utsi, “Yebo-ke, angati manje nomingakukholwa yini loku nomacha”?

²²² Kwabakanye nje, baphiliswa kakhulu ngangekutsi sibindzi seNgwenyama yesive sakaJuda sehlela ngekhatsi kubo, etikwalesosiTfungo lesijikitishwako. O, loloKhozi lufikela kutobita baLo luCobo! “Futsi abatitsandzanga timphilo tabo kwaze kwaba sekufeni.” Ameni.

Futsi batoba banengi labatonikela ngengati
 yekuphila kwabo
Ngenca yaleliVangeli laMoya loNgewe
 nazamcolo waLo lobovu.

²²³ Nendvodzana itofanele ye-yembulwe futsi, ekhatsi kuMlobokati ngelusuku lwekugcina; eMandla laphilisako atofanele afike, abaphilise baphume kulamahlelo lafile netivumokholo, baye eVini leliphilako laNkulunkulu lophilako. O!

²²⁴ Cha, Wabaphilisela eMphilweni lensha. Usentela intfo lefanako manje. Caphelani, ke, baphiliswa kakhulu kulawoMandla laphilisako! Manje Ngi...

Lalelisisan manje. Ngitama kunibonisa.

²²⁵ EMandla laphilisako bekangekho emphefumulweni wabo kuphela, kodvwa Bekasenzaweni yonkhe kubo. A...Akungeni wona eMandla ekuhambisa kuphela, kuphilisa, kodvwa Aphilisa tinsimbi letakh'umshina. Niyabona kutsi ngisho kutsini na? Baphiliswa kakhulu ngangekutsi tilwimi tabo tacala kakhulumna ngalolunye lulwimi. Baphiliswa kakhulu ngeMandla ekuvuka kwaKhristu, bate babeka tandla tabo...Baphiliswa kakhulu ngeMandla laphilisako, kwaze kwatsi, ngesikhatsi babeka tandla tabo etikwalabaguluko, basindza. "Uphilise umtimba wenu lofako." Baphiliswa, ngekubeka sandla sabo.

²²⁶ NaloMoya waphilisa inhlanganyelo yabo ndzawonye kanye naNkulunkulu, bate baphiliswa futsi kakhulu eBukhoneni baNkulunkulu kwate kwatsi, ngesikhatsi umuntfu afa nemphefumulo wabo uphume wahamba, Wambita wabuye waphila futsi. Amen! Ludvumo! Manje ngitiva nginelukholo.

²²⁷ Kunjalo, baphiliswa! Kwakungesiko kuvuka kwaKhe lokukwaKhe kuphela, kodvwa kwaloyo lotsandzako, kuleMbewu leyamiselwa ngaphambilleyo lelele lapho. Uyaphilisa, uphilisa umtimba lofako!

²²⁸ Babeka tandla etikwalabagulako; basindza. Bakhuleka; eMoyeni babona umbono, babita labafile babuye baphila. Kunjalo. "Waphilisa umtimba wabo lofako."

²²⁹ Uma Ungena kuwe; uma kuba njalo...Manje, ningatsi kunjalo; kodvwa uma kuba njalo, letibonakaliso leti silandzela loko, niyabona. "Uphilisa umtimba wenu lofako." Utoniphilisa.

²³⁰ Manje, caphelani, uphilisa eBukhoneni baNkulunkulu. Ngani na? KwakunguMoya waNkulunkulu lowavusa Jesu ethuneni. Futsi, uMoya waNkulunkulu, "Ngibanika kuPhila lokuPhakadze," livela egameni lesi Grekhi, uma ulibuka, Zoe, lokuKuhambisa ngawe bese kuphilisa (wabo) ngisho nemcondvo wabo.

²³¹ Manje bukani. Ningasho kanjani kutsi lowoMoya uhlala kini na? Naloku nje nente konkhe lebenicabanga kutsi bekulungile, nabu bufakati benu bekutsi ninaWo yini noma cha. Uma uMoya lowawukuKhristu ukini, Uyaniphilisa nani eVini, ngoba ULivi. Futsi uma kona, kuphambene, kumphilisela khashane neLivi, lapho-ke akusiwo uMoya waKhristu!...khatsali kutsi nenteni, kute Loko kukuhambise kukufake eVini. "Timvu taMi tiyaliva liPhimbo laMi, futsi tiyophila ngawo onkhe emaVi," onkhe emaVi! Ngangikhulumna ngaloko ngalelelinye lilanga.

²³² Make wami lucobo, sewahamba manje, futsi bekanguwesifazane loyincaba. Futsi beka, niyati, cishe bekaliNdiya incenye, futsi bekayincaba. Kodvwa ekhatsi lapho bekangumuntfu lobekangaphuphi. Kodvwa angicabangi kutsi...Waba nemaphupho lamane noma lasihlanu kuphela, yonkhe imphilo yakhe. Kodvwa ngaso sonkhe sikhatsi uma aphuphe liphupho, laliliciniso. Bekaneliphupho, laliliciniso.

²³³ Ngiyakhumbula ngalesinye sikhatsi ngesikhatsi ngicala kushumayela, eminyakeni leminengi leyendlula. Sasihlala khona enhla lapha emgwacweni, ngenhla kwalapha impela nje. Ngangishumayela khona lapha kulelibandla. Futsi waphupha liphupho, kutsi ngangime lapha eceleni kwetitebhisi letintsatfu. Futsi ngangimile, ngishumayela kuwo wonkhe umuntfu, kutsi bafanele bakhuphuke kuletitebhisi leti letintsatfu ngaphambi kwekutsi bafike emgwacweni longutselawayeka. Futsi kulomgwaco longutselawayeka kunelilayini lelincane lelingatsi liparele, ucondze ngco uyongena e—e—eminyango yaseZulwini, uya esangweni leliyiparele. Naleloparele laliluleke laphumela etikwaletitebhisi leti. Uma lowo kungesiwo uMlayeto wami ncamashi namuhla; kulungisiswa, kungeweliswa, umbhabhatiso waMoya loNgcwele! Futsi ngangitsi umuntfu ufanele ete ngaletitebhisi leti letintsatfu, kuze akhone kuhamba ngalowomgwaco longutselawayeka. Futsi ngasho kutsi . . .

²³⁴ Kwakunadzadze loweta lapho. Manje, niyati kutsi hlobo luni lweticatfulo lolwalugcokwa bantfu eminyakeni lengemashumi lamatsatfu nesihlanu leyendlulile. Kwakunadzadze lota lapho, bekagcoke lipheya lelikhulukati njengoba batigcoka namuhla, ticatfulo letinetitsendze letiyinsinjana lecijile. Futsi weta lapho. Futsi ngatsi, “Awume kancane, dzadze. Ungeke uhambe kulowomgwaco longutselawayeka ngaloko.” Futsi ngatsi, “Wena—wena, ungeke ukwente loko.”

²³⁵ Wase utsi, “A!” Watsi, wacalata ngakubo bonkhe besifazane, watsi, “Ningamkholwa. Uluhlanya. Niyabona na? Ningamkholwa. Ngitonikhombisa kutsi ngingalungisiswa, ngingeweliswe, futsi ngicwaliswe ngaMoya loNgcwele, futsi ngibe ngisolo ngikhona kuhamba lapho.” Futsi wa . . . Ngavele ngamyekela wahamba. Angibange ngisenta lutfo ngako, angibange ngisakhona kumisa. Futsi wagcumela emgwacweni longutselawayeka. Futsi wabuka emuva kulodzadze, watsi, “Uyabona, ngikutjelile!” Wacala kugijima wenyuka, futsi wa . . .

²³⁶ Niyati, njengoba liBhayibheli lacho, kuIsaya, sahluko 5, kutsi ayoba “netintsamo leteluliwe.” Afanele akwente; ahamba aphonseka, niyabona. “Ahamba antjikita a . . .” Afanele akwente, ayatishwila, “Ahamba antjikita, akhencetisa ngetitsendze tawo; niyabona, emadvodzakati aseSiyoni ngelusuku lwekugcina.”

²³⁷ Wase ucala kwenyuka ngalowomgwaco longutsela wayeka, agijima ngalelikhulu litubane. Futsi, emvakwesikhashana, umgwaco waya ngekuncipha ngekuncipha. Wacala kudzayitela, ahamba antjikita kanjalo, futsi waze wayoshona.

²³⁸ Namake watsi, “Kukhala lokwesabeka kunako konkhe lengake ngakuva emphilwени yami, kwakunguloyo wesifazane

awela kulawomalandabi nentfutfu, ashona phansi, phansi kanjalo.” Watsi, mine “ngagucuka ngatsi, ‘Niyabona na?’”

²³⁹ Wakutfobela konkhe nje ngaphandle kweLivi linye, niyabona, yonkh’intfo ngaphandle kweLivi linye. Impela, besifazane bePentecostali bangasindziswa, bangcweliswe, futsi bagcwaliswe ngaMoya loNgewe, bese-ke bayehluleka. Impela. “Umuntfu angeke aphile ngesinkhwa sodvwa, kodvwa ngalolonkhe Livi leliphumako.” Niyabona na? Niyabona na? Futsi wehluleka kuLo. Futsi njengoba ngasho, niyabona, bekayohamba angene, kahle, kodvwa, niyabona, wehluleka kulalela; ngimtjela kutsi yini leyayikhona ngembili. Futsi Ubhale liVangeli ngebabfundzi, bapostoli, neMfundziso yebapostoli nebaprofethi, nalokunjalo, futsi ngeke balalele.

²⁴⁰ Manje caphelani laMandla laphilisako, Zoe, leletsa Livi, umcondvo lowawukuKhristu wase ukini-ke ngalesosikhatsi. Ngetama kunibonisa, kutsi, nine, ngesikhatsi nivuka. Ngesikhatsi Nkulunkulu avusa Jesu kulabafile, Wanivusa, nani. Kantsi futsi waniphilisela ekuPhileni, kanye naYe, manje seniphiliselwe ekuPhileni, naloku nje ngalesosikhatsi naniseyincenyenye kuphela emicabangweni yaKhe, kodvwa Nkulunkulu bekakubonile konkhe kuYe, ekucedzeni, niyabona. Ngesikhatsi Nkulunkulu abuka phansi emtimbeni . . .

²⁴¹ UMoya waMshiya, eNsmini yaseGetsemane. Bekafanele afe, umuntfu. Khumbulani, bangan, Bekangadzingeki kutsi ente loko. Loyo kwakunguNkulunkulu. Nkulunkulu wagcoba leyonyama, lokwakuyinyama yemuntfu. Futsi Akazange. . . Kube Bekenyukele lapho, njengaNkulunkulu, Bekangeke afe lolohlobo lwekuwa; ungeke ubulale Nkulunkulu. Kodvwa Akadzingekanga kutsi akwente.

²⁴² Kodvwa, khumbulani, Waya lapho anani nikuYe. Niyabona, Nkulunkulu bekangakaze ehlukanise uMlobokati kuMyeni, ngalesosikhatsi. Ngako ngesikhatsi Nkulunkulu abuka phansi emtimbeni waKhristu, Wabona bobabili wesilisa newesifazane. Konkhe kwahlengwa kulowomtimba munye. Niyabona na? Bamunye, bayafana, Livi lelifanako. LeLivi lelifanako, lelakhulumalikhu ngeMyeni, likhulumalikhu ngeMlobokati.

²⁴³ Yebo-ke, angeta kanjani umlobokati, futsi ehluleke kubonakalisa konkhe lokwetsenjiswa nguYe; neMyeni efika, futsi Angabi nguMlobokati na? Kodvwa ngesikhatsi Enta yonkh’intfo, ngisho nekukufakazisa ngekutivusa Yena lucobo kulabafile, kamuva, manje-ke akukafaneli yini u—uMlobokati kutsi ente intfo lefanako, abe ngiko impela Livi lelatasi Uyoba ngiko etinsukwini tekugcina na? Akafaneli yini abuyeke kuMalakhi 4 na? Akafaneli yini kubonakalisa njengoba kwakunjalo etinsukwini taseSodoma na? Alikafaneli yini live libe njengoba linjalo impela na? Letintfo leti atisiyo yini

inkhomba lephelele yeLivi laNkulunkulu lelibonakaliswe kitsi na?

²⁴⁴ Yebo-ke, bangani, ngiyati nginibambele sikhatsi lesidze, kusasele imizuzu lelishumi nesihlanu nje kushaye lidina, kodvwa mhlawumbe ngitawube sengicedzile ngalesosikhatsi. Kodvwa caphelani, bukani lapha, intfo lephelele kanje pho. Angati kutsi ngitophindze nginibone nini futsi. Niyabona na?

²⁴⁵ Bukani, caphelani loku. Kodvwa Nkulunkulu wambona ngaphambili uMlobokati akuMyeni. Haleluya! Niyabona, kusindzisa uMkaKhe, njenga Adamu, Bekafanele ahambe naYe. Adamu bekakwati lebekakwenta; Eva bekangati kutsi bekangakwati loku bekakwenta, kodvwa Adamu waphuma nemkakhe. Niyabona na? NaJesu watsatsa indzawo yeMkaKhe futsi waba sono ngenga yaKhe. Khumbulani, Waba ngini, Wamela sijeziso senu, kuze nime endzaweni yaKhe. Wema endzaweni yenu, kuze nime endzaweni yaKhe. Lutsandvo lolunjeho pho! Inhlanganyelo lenje pho! Singakuphika kanjani na? Singakwenta kanjani lokunye ngaphandle kwekutsi siMtsandze, mngani na? Ngingahlala kuko emahora, kodvwa ake sitsi kuchubeka kancane.

²⁴⁶ Njengelwati lwemapentecostali namuhla, nekufika kwaMoya loNgcwele kulolu tinsuku tekugcina, njengoba kwetsenjisiwe, kunjengencwadzi lebufakazi encwadzini yelilungelo lebuniyo. Niyabona na?

²⁴⁷ Manje, ningatfola itayitela. Impela. Niyabona na? Ningatfola itayitela yendzawo, kodvwa loko kusengakasho kutsi seyakho. Cha, mnumzane. Lomunye umuntfu embili le emuva bekangefika atsi yakhe. Kodvwa uma utfola incwadzi lebufakazi, lekhombisa kutsi yonkh'intfo lesolo injalo imelene nako iyasuswa, ibuyela emuva ngco esisekelweni. Ngabe kunjalo na?

²⁴⁸ Futsi uma indvodza itsite ikholwa Livi, bese kutsi-ke uma uMoya loNgcwele ufika, Uyincwadzi lebufakazi etayitelini. Naloko kukuniketa imvume, uma unaleyonewadzi lebufakazi, konkhe nalokuncane kwaloko kwakho, futsi konkhe lokukuyo kwakho. Amen! Futsi loko kusinika incwadzi lebufakazi, uma uMoya loNgcwele ufika etikwalencwadzi yelilungelo lebuniyo Nkulunkulu layibona emuva le ngaphambi ngaphambi kwekusekelwa kwemhlabo, futsi wafaka ligama layo eNcwadzini yekuPhila; kodvwa watalwa ngendvodza nemfati, futsi ungaphansi kwesono, futsi unelicala lesono. Kodvwa ngesikhatsi ngikholwa kuWo, ngemukela incwadzi yesibopho lehambisana nemtsetfo; kodvwa ngesikhatsi kufika Moya loNgcwele, Wawuyincwadzi lebufakazi kutsi yonkh'intfo leyayimelene nami, noma ngabe kwentiwe ngumake wami, kwentiwa ngubabe wami, kwentiwa ngugogo wami... .

²⁴⁹ Njengalolomcane, umntfwana lonesitfutfwane lengimkhulekele, emizuzwini lembalwa leyendlulile, leseta ngamkhulu nagogo. Lesitfutfwane sehlela phansi, nasetikwalomntfwana, ngishito njalo.

²⁵⁰ Kodvwa lapho sekufike incwadzi lebufakazi, Kushayile, kwayekela yonkh'ntfo. Sengingumnikati wencwadzi lebufakazi ke. Ameni! Futsi njengalokuciniseke mbamba ngeMoya lowavusa Khristu kulabafile, nginenewadzi yesibopho lehambisana nemtsetfo leyincwadzi lebufakazi kutsi ngyincenye yalowoMtumba, nencwadzi lebufakazi yaMoya loNgcwele wenta lowotimba weLivi uphile kahle ngalokufana nje ncamashi njengoba Wenta kuYe, njengoba Etsembisa elusukwini lwekugcina. Incwadzi lebufakazi! Tonkhe tono tami tiyacinywa, tonkhe tono tenu tiyacinywa, ngeNgati yaJesu Khristu, naMoya loNgcwele uta njengencwadzi lebufakazi encwadzini yelilungelo lebuniyo Nkulunkulu langipha yona ngemusa, ngekwati ngaphambil. O, hhe!

²⁵¹ Netfuswa yini na? Akumangalisi Atsi, “Ningesabi; NginguYe lobekafile sengingulophilako futsi; futsi seNgingulophila kuze kube phakadze; futsi nginetikhya tekufa netesihogo.” Ningakhatsateki ngalutfo. Ngisho nekufa akunakunilimata. Caphelani. Kuhle!

Asihambe masinyane impela manje.

²⁵² Itayitela leyincwadzi lebufakazi! Sikweleti sesibhadelwe. Yonkh'ntfo lemeline nako yesuliwe. Ha-ha-ha! Ludvumo! Ngingahle ngitiphatsise kwesilima, kodvwa ngitiva ngikahle. Caphelani. Niyabona na? O, incwadzi yesibopho lehambisana nemtsetfo leyincwadzi lebufakazi, niyacondza yini kutsi loko kuchaza kutsini na? Uyacondza kutsi loko kuchaza kutsini, mnaketfu? Akukho lokungakwemuka yona. Ameni. Ngingumnikati. Ameni. Lenje pho . . .

²⁵³ Newadzi yini yesibopho lehambisana nemtsetfo na? Manje sengitfole imali ekubeni yindlalifa kwami, yekufa kwaKhe, kungcwatjwa, nekuvuka. Uba ngimi, kuze ngibe nguYe. Manje, Waba soni, kuze ngibe yindvodzana, ameni, bese ngibamba incwadzi yesibopho lehambisana nemtsetfo leyincwadzi lebufakazi. “Ngoba letibonakaliso leti titobalandzela labakhholwako,” niyabona, incwadzi yesibopho lehambisana nemtsetfo leyincwadzi lebufakazi!

Manje masinyane, ngaphambi . . . Sisenaleminye imizuzu cishe lelishumi.

²⁵⁴ Asicapheleni manje, masinyane, kuphiliswa kweMoya. Ngitonikhombisa letinye tibonakaliso kuze nicondze. Bukan, manje bukisisani kutsini, la “Mandla laphilisako” bekusifundvo sami. Emvakwekuba iNdvodzana seyivukile, bukan kutsi Wentani kubo ePentecosti, kutsi Yentani kubo, kutsi lawoMandla laphilisako entani kubo. Abaphilisa.

²⁵⁵ Manje ake sicaphele kutsi Entani kuStefane. Stefane bekagcwele eMandla laphilisako. Kwakungenjalo loko na? Niyabona, bekagcwele eMandla laphilisako. Awamentanga kutsi esabe. Watsi, “Nine bontsamo tilukhuni labangakasoki enhlitiyweni nasetindlebeni, nimelana njalo naMoya loNgewe; njengabobabe benu, ninjalo nani. Ngumuphi munye webaprofethi lowakhombisa kuta KwaloLungile, bobabe benu labangamgcobanga ngematje na?” O, hhe! Enta lokutsite kuye. Impela, bekagcwele eMandla laphilisako.

Futsi batsi, “Sitomsusa loyomfo!”

²⁵⁶ Futsi ngesikhatsi afa, bamgcoba ngematje; nenhlokwana yakhe lencane tatane, ematje ayishaya kanjalo. Wabuka etulu wase utsi, “Ngibona emaZulu avulekile.” Emandla laphilisako bekasebenta. “Ngibona emaZulu avulekile, naJesu eme ngesekudla saNkulunkulu.” Nguloko Emandla laphilisako lamentele kona Stefane.

²⁵⁷ Caphelani lomunye umfo, bekanalaMandla laphilisako, ligama lakhe kwakunguFiliphu. Bekagcwele kakhulu eMandla laphilisako. Bekenemhlangano lomkhulukati entasi eSamariya. Bodeveli bebakhishwa. Bantfu bekabhabhatiswa eGameni laJesu Khristu. Bebanemhlangano sibili. NeMoya wakhulumna naye, o, e—eMandla ekuhambisa ehla, futsi Watsi, “Yishiye lemvuselelo.” Kodvwa pho batotsini bafundisi na? Akwenti mehluko kutsi batsini. Niyabona na? Bekagcwele eMandla laphilisako. Bekana-gasolina, ne—eMandla ekuhambisa bekehlela etikwakhe. Watsi, “Phuma uye elugwadvule.”

²⁵⁸ Futsi watfola umthenwa lapho, futsi wambhabhatisa eGameni laJesu Khristu; indvodza yinye, leyatsatsa uMlayeto yehlela nawo e Etopiya. Kunjalo na? Futsi wamlalela Nkulunkulu.

²⁵⁹ Ekulaleleni Nkulunkulu, uma ningakaze nibhabhatiswe eGameni laJesu Khristu, kwenteni, futsi nibuke eMandla laphilisako anitsatsa-ke. Niyabona na?

²⁶⁰ Ngesikhatsi Stefane sekente lentfo lenkhulu... noma, hhayi Stefane. Kodvwa Filiphu sekente lentfo lenkhulu, kushiya leyomvuselelo lenkhulu futsi walalela imiyalo yaNkulunkulu, ngesikhatsi agcwalis, ngekugcwalis... Ngekubhabhatisa lomthenwa, ekulaleleni Nkulunkulu, bekagcwele kakhulu eMandla laphilisako aze Amhltwitsa. “Uyovusa umtimba wenu lofako, uma loMoya lowavusa Jesu kulabafile.” Aphilisa Filiphu waze wangabe asabonwa mhlawumbe emamayela lalikhulu nemashumi lasihlanu, ngale kulenyi indzawo, ngale kulelinye live. Waphilisa umtimba wakhe lofako. Wawkwenta kanjani na? Bekagcwele kakhulu eMandla laphilisako.

²⁶¹ O, Bandla laNkulunkulu lophilako, ngeke sema khona lapha encenceni lencane lenashukela lesiyimunyako khona lapha namuhla. Sifanele sigcwale futsi sibe ngulabakhulekile,

ngeMandla laphilisako, kuze kube kophilisa kwaMoya loNgcwele! Sifanele sihlwitfwe, ngalelinye lilanga, kuloloHlwitfo lolungaleya. Yebo, mnumzane. Ameni! O, hhe!

²⁶² Ngiyacolisa ngalesosisho. Bengicabanga ngamake lowenta lawomasaka lamancane, besivamisile, kwentelwa umntfwana. Labanye benu bomake labadzala niyakukhumbula. Umntfwana lomdzadlana uyaklabalaza; utsatse tinhlavu telikhofi nashukela, ukugocotele esakeni futsi umumunyise lona, kuyithulisa nje. Akukho mandla kuloko. Kutombulala. Niyabona na? Leyokhafeyini lendzala ekhatsi lapho, netintfo, lokutsite kunandzisa ngashukela kumenta aligwinye lehle, kufaka ikhafeyini kuye.

²⁶³ Sesidziniwe tintfo letinjengaloko. Buyelani emuva! Nitinkhozi; nibuye eVini laNkulunkulu! Banini bakhulu nicine; akukho lokungalimata imizwa yenu, khona-ke nikhululekile kuko konkhe kuhlambalatwa ngumuntfu. Noma ngabe yini umuntfu layishoko ngawe, loko nje kuvele kuletse lolunye futsi lutsandvo. Ameni. Futsi, neMandla laphilisako, ahlwitsela le emazulwini, lukhozi lolundizele ngetulukwetinkhukhu, lwaya ngaleya etindzaweni taseZulwini kuKhristu Jesu! O!

KwakukuFiliphu. Loko kwamphilisa, kwamhlwitsa.

²⁶⁴ Asitsatse lenye indvodza. Kwakunendvodza legama layo linguEnoki. Manje, bekakadze ahambe nalo lonkhe Livi laNkulunkulu, cishe iminyaka lengemakhulu lasihlanu. Bekanebufakazi, bekutsi, “Angikaze nakanye ngehluleke eVini laKhe.” Wagcwala kakhulu eMandla laphilisako ngesikhatsi eMandla ekuhambisa amshaya, kuletotiNsimbi letakh’umshina, akadzingekanga ngisho nekutsi afe; wavele nje wenyukela eKhaya. Wacala kuhamba nje. Bekakakhulu... NjengaFiliphu, wagcwala kakhulu eMandla laphilisako, esikhundleni sekuwelela eGaza futsi aye kulenye indzawo, lapho, bamtfola enhla etingwini tangasenhla lapho. Esikhundleni saleyonidlela, wavele wahamba nje, o, watsi, “Sengilikhehla, empeleni. Ngisanza kutfola lamanengi kakhulu eMandla laphilisako, ngitovele ngihambe nje ngiphume impela emhlabeni.”

²⁶⁵ NgulawoMandla lafanako laphilisako lesinawo njengamanje. Niyabona, Ayophilisa umtimba wenu lofako. Loko akunjalo na? NgeMandla laphilisako.

²⁶⁶ Enoki, analobo bufakazi lobuphelele, kutsi, “Yonkh’intfo Nkulunkulu langitjela kutsi ngikwente, ngakwenta. Yonkh’intfo lengiyibonile Latsi angikwente, ngikwentile.” Futsi ugcwala kakhulu e—eMandla ekuhambisa, noma—noma tiNsimbi letakh’umshina, kwaze kwatsi, uma eMandla laphilisako amshaya, tiNsimbi letakh’umshina, Avele nje amphakamisa ngco. Wahamba waphuma emhlabeni, wayongena eZulwini.

²⁶⁷ Manje, manje caphelani, etikwaEliya. Emva...Bukani, Eliya, loyomprofethi lomkhulu, indvodza ngelusuku lwayo. Ngiyacolisa. Mnaketfu, dzadze, ngalolosuku bekakadze abachumisile labo besifazane labapende buso, laboJezibele naboAhabi. Futsi wema kwaze...Futsi akukho muntfu, kwangatsi, lowema naye. Futsi wakhuta, futsi washwabudzela, futsi wema ngaphandle lapho, naNkulunkulu bekakadze amnakekele futsi wamsita etindzaweni tonkhe. Niyati, lomfo lomdzala wakhatsala ngalelinye lilanga. Watsi, “Sengigugile, ngako nje angisakhoni kuchubeka.” Bekachubeka, ngiyacabanga, aneminyaka lengemashumi layimfica budzala; sekaguge mbamba, futsi ahambahamba ngalapho, futsi bekagcwеле kakhulu eMandla laphilisako. Niyati kutsini? Wabuka ngesheya kweJordani.

O Nkulunkulu! Kwangatsi ngiyabona ngale kulenyе indzawo. Aniyiboni nine na?

²⁶⁸ Agcwele kakhulu eMandla laphilisako, waze, wayibona incola ihhakwe khona laphaya, emahhashi latsite eMlilo nencola yeMlilo, kuhhakwe esihlahleni khona laphaya. Wavele nje wahamba wawela umfula wase uya eKhaya, ngaphandle ngishо kwekuifa. Emandla laphilisako amtfumela, abangela incola kutsi yehle ivela eZulwini yamenyusa. Atsatsa ngishо libhantji lakhe aliphonsa emuva bentela Eliya. Kunjalo.

²⁶⁹ Manje, wase-ke lowomfo atsatsa leyongubo, umfanekiso weliBandla futsi, niyabona, watsatsa leyongubo. Manje, wenta leminangaliso kibili, lokungumfanekiso waKhristu neliBandla. Niyabona na? Eliya wente lemine; yena wente lesiphohlongo. Niyabona, manje, beka—bekanemandla laphindvwe kibili, ngoba wawacela. “Tintfo letinkhulu kunalena leNgiyentako mine nitawutenta.” Niyabona na? Kodvwa bekagcwеле kakhulu eMandla laphilisako, nako konkhe, wate wenta tonkhe leti, waphindza kibili, loko lokwentiwe nguElisha, ngetulu kwaloko lakwenta. Futsi caphelani, waphila imphilo leyachubeka njalo waze waba cishe neminyaka lengemashumi lasiphohlongo noma emashumi layimfica budzala, waguga futsi wa—wafa. Wafa, futsi ba—bamkhiphela ngaphandle bamngewaba.

²⁷⁰ Niyati, yebo-ke, lawoMandla laphilisako akazange amshiye. Leminengi, eminyakeni leminengi emvakwaloko, lapho inyama yase ibole yonkhe yasuka ematsanjeni akhe, bekalele ethuneni. Futsi bebatfwele umuntfu lofile ngalelinye lilanga, futsi babona sitsa, futsi bavele baphonsa lomuntfu ekhatsi etikwematsambo aElisha. Kwakukhona eMandla lamanengi kakhuI laphilisako kulawomatsambo umuntfu waze wagcuma waphila futsi. O!

²⁷¹ “Ayophilisa umtimba wenu lofako.” Naloku bekafile futsi sekabolile ethuneni, kepha noko lawoMandla laphilisako bekaphumule etikwalowomhlabatsi. Haleluya! Uh! “Loyo

lowavusa Khristu kulabafile uphilisa nemtimba wenu lofako futsi." Eliya emuva lapho, Elisha naEliya...

²⁷² Khumbulani, loyomuntfu lobekafile, loyomprofethi, agcwele lawoMandla laphilisako, alele ethuneni futsi sekabole waphela; kwakukhona eMandla lamanengi kakhulu laphilisako, baze batsi, nabaphonsa umuntfu lofile etikwakhe, waphila. Bekasengatibeka tandla etikwalabagulako. Bekangeke na? Ameni. Nako lapho nkhona.

²⁷³ Futsi khumbulani, siyinyama yenyama yaKhe, Jesu Khristu. "Siyinyama yenyama yaKhe, nematsambo ematsambo aKhe." O, ayikho indlela yekuphuma kuko. Sitovuka, futsi nguloko kuphela. Nitovuka, nguloko kuphela.

²⁷⁴ LiPhasika lisho lokukhulu kunelisiko nje. Kungumanje futsi, ngoba imitimba yetfu iphiliswa naYe futsi sihleti etindzaweni taseZulwini.

²⁷⁵ Nalomtimba ungabolela elwandle; ungabolela emhlabatsini; kungahle kungabikho sipunu lesigcwele semilotsa; kodvwa utovuka wesifazane. Ngoba, uMoya lowavusa iNkhosi yami kulabafile uphilise lomtimba lofako. Uphilise umtimba wenu lofako. Futsi sitindlalifa taKhe tekuvuka kwaKhe, umgommo waKhe wekuPhila lokuPhakadze lengikhulumu ngawo kakhulu, niyati. Akumangalisi Atsi, "Ningesabi." Bekangati.

²⁷⁶ Ngoba njengoba Pawula watsi, "Kufa, luphi ludvonsi lwakho na? Thuna, kuphi kuncoba kwakho na? Ngigcwele eMandla laphilisako. Akabongwe Nkulunkulu, Losinika kuncoba ngeNkhosi yetfu Jesu Khristu." Yebo, mnumzane! EMandla laphilisako. O, hhe!

²⁷⁷ Uphila kute kube phakadze naphakadze, "longuye itolo, namuhla, naphakadze." EmaHebheru 13:8. Caphelani, Mesiya, Logcotjiwe; unjalo ke neMlobokati waKhe, boMesiyanyana, niyabona, Logcotjiwe.

²⁷⁸ Caphelani, kufa akuwamisi eMandla aNkulunkulu laphilisako. Kufa ngeke kuWamise. Uma ninaWo, APhakadze. Akukho lutfo lolutoWamisa. Ungeke uWafake emahastela; ungeke—ngeke wente lutfo kuWo. Uophile imphilo yakho, naloko futsi akuWamisi; aloku anjengoba Bekanjalo nje.

²⁷⁹ Caphelani, Moses ugcwele lawoMandla laphilisako. Bekanjalo na? Bekangumprofethi Livi leleta kuye. Bekayinceny yeLivi. BekaLivi lalolosuku. Kunjalo na? Futsi emvakwekuba sekafa, iminyaka lengemakhulu lasiphohlongo; eNtsabeni yekuGuculwa simo, nango emile, naEliya. Kunjalo na? Emandla laphilisako, kufa akuWasusi nakancane. Cha, cha. "Ngiyokuvusa futsi." Tingelosi teta; tamngcwaba phansi lapho esigodzini. Bekasabolile futsi aphelile, ematsambo akhe lase liphelile, nayo yonkhe leny'info, kodvwa eMandla laphilisako bekasolo akhona. Amphilisa futsi amvusa. Futsi nango bekalapho, eme lapho. Caphelani.

²⁸⁰ Nine nitsi, “Ngabe kunjalo, Mnaketfu Branham, emvakweminyaka lengemakhulu lasiphohlongo na?” O, hhe!

²⁸¹ Uma beningafundza kuMatewu, nginemBhalo, Matewu 27:51. Ningabhala, nikubhale phansi. Ngesikhatsi bonkhe labo emuva lapho, labakholwa kutsi Bekatofika... LiBhayibheli lapho, emvakwekuba Sekefika, bebalele emhlabatsini. Emandla laphilisako bekasetikwabo, futsi bebayinceny yaKhe, labo labangcwele. Bebayinceny yaKhe, ngoba bebakholiwe nguYe.

²⁸² Kungashiwo kutsi besebanako loko kuPhila, ngemhlatjelo wemvu, inhlawulo, lebeyingeke ibuyisele umoya wemvu kumuntfu. Kunjani-ke manje ngeMoya weMuntfu, Nkulunkulu lucobo lwaKhe, kuwe, niyabona, manengi kakhulu kangakanani-ke eMandla laphilisako lesinawo! Kodywa ngenhlawulo yesono kwakunikelwa ngeliwundlu, ngemfanekiso. Loko lesinako akusiwo umfanekiso; kukwelucobo. Sesaba ini pho? Nalabo bafo lebebanemfanekiso kuphela, ukhomba ekuvukeni kwaKhe kulabofile, futsi wehlela ethuneni nako.

²⁸³ NjengaJobe emuva lapho ngaphansi kweukhandleka kwakhe lokukhulu, hhe, yonkh'ntfo yasuswa kuye! Develi watsi, “Angimtfole. Ngitomenta aKwetfuke ebusweni baKho.” Wase-ke uyagcashula.

²⁸⁴ Watsi, “Ungakutsatsi kuphila kwakhe.” Futsi wakwenta (yena) konkhe ngaphandle kwekutsatsa kuphila kwakhe.

²⁸⁵ Futsi ngisho nemkakhe wamjikela. Watsi umphefumulo wakhe wase ugucuke waba yincaba kuye. Ngalamany’emagama, be—bekangasafuni kuhlanganisa lutfo naye. Lowesifazane wabonakala angasamtsandzi nhlobo, wavele wamfucela laphaya. “Jobe, sewulusizi! Awumtfuki ngani nje Nkulunkulu, bese uyafa na?”

Watsi, “Ukhuluma njengemfati losiwula.” O, hhe!

²⁸⁶ Niyabona, wabambelela ngalokungiko kuloko lebekanako. Manje, bekangumprofethi. Watsi, “Angisiso soni. Nginikele ngemhlatjelo lomisiwe.” Ameni. Bekati kutsi bekeme kuphi. BekaseVini. Akunandzaba kutsi laba labanye batsini, bekakhona lapho eVini. Kwase kutsi-ke lelohora lelesabekako... Watsi, “Ukhuluma njengemfati losiwula.” Watsi, “INkhosi iphile, iNkhosi itsetse; ngani, alibusiswe liGama leNkhosi!” Watsi, “Ngifika kulelive ngingenatalfo. Ngifika lapha, ngingcunu, ngiyophuma ngendlela lefanako. Alibusiswe liGama leNkhosi!” Ahleti lapho, abihlike ematfumba, bantfwana bakhe bafile, bekashaywe buphuya, nebangani bakhe bonkhe bamjikela, emalunga akhe elibandla, konkhe lokunye, atenwaya nge... Futsi kuhlupheka lokulusizi kanje pho! Akekho naloyedvwa kini loke wendlula kuloko namanje. Bekasolo, abambelele kuleloLivi.

²⁸⁷ Bekalukhozi. O, hhe! Ungeke usolo umbonye emehlo akhe ngaso sonkhe sikhatsi. Cha, cha. Kwaba kanye nje, eme kuleloLivi, kwentekani na? Tibhakabhaka tahlubeka, imidvumo yacala kudvuma, umbane ucala kumanyata, naJobe wabuka etulu futsi wabona umbono, watsi, “Ngiyati uMhlensi wami uyaphila. Etinsukwini tekugcina Uyokuma etikwalomhlaba. Nalapho tibungu tesikhumba sami sesibhubhise lomtimba, ematsambo nako konkhe, lawoMandla laphilisako ayoba khona. Ngiyombona Nkulunkulu cobo lwami, Lengiyombona lucobo lwami. Emehlo ami ayombona kungabi njengalomunye.” Ngabe kunjalo na? “Naloku nje ematomu ami adliwa aphela ngekhatsi kwami, naloku nje timphetfu letisemtimbeni wami manje, titowubhubhisa.”

²⁸⁸ Niyati, timphetfu tesikhumba atiti kini. Lesosibungu sesivele sikini, timphetfu tesikhumba sakho lucobo. Nike nakucaphela loko na? Abakufake ebhokisini lemngcwabo, bese balivala kungangeni moya; tilokatane titokudla tikucedze, ngalokufanako nje, ngoba tikuwe. Usiswenya setilokatana nje, kwekucala nje, ngekhatsi.

²⁸⁹ “Naloku nje timphetfu tesikhumba, timphetfu tesikhumba sami singibhubhisa, inyama yami, noko enyameni yami ngiyombona Nkulunkulu.”

²⁹⁰ Futsi ngaloko kusa kwekvuka! Ludvumo! Haleluya! Matewu, lombhali lomkhulu, 27:51, watsi, “Emvakwekuba Sekavukile kulabafile, kutsi labangewe lebelThe testamenti leliDzala, labanengi balabo lebebalele elutfulini lwemhlaba, baphuma bavuka ethuneni, base bangena edolobheni babonakala kulabanengi.” LawoMandla laphilisako, asolo akulawomatsambo aEliya lapho kwakungasekho matsambo, asolo akuJobe noma nje kwakungasekho tfuli lolungagcwala sipunu lapho lolwalusasele emtimbeni wakhe. Kodvwa eMandla laphilisako bekasolo akhona.

²⁹¹ “Uma loMoya lowavusa Jesu kulabafile uhlala kini, Uyonivusa emtimbeni wenu lofako.” Caphelani, masinyane manje.

²⁹² Wena utsi, “O, ngifisa kwangatsi ngabe ngaphila emuva . . .” Uphila esikhatsini lesincono. Manje uma nonkhe . . .

²⁹³ Ngianibona nibhala phansi imiBhalo. Kulungile, bhalani phansi baseThesalonika beKucala 4:16. Caphelani kutsi kuhle kanjani, niyabona. E . . . “Labangewe, labo labalele kuKhristu, Nkulunkulu uyobaletsa kanye naYe,” niyabona, labangewe ethuneni, baphumulile. Njengoba bekanjalo Eliya; labanye njengoba bekanjalo eElisha; niyabona, labanye babo baphilisiwe, labanye bayotsatfwa, labanye bayoba sethuneni. Bayohamba naYe. “LiCilongo laNkulunkulu liyokhala, nalabafile kuKhristu bayovuka kucala. Natsi tsine lesisekhona sisasele siyohlwitfwa kanye nabo, sihlangabete

iNkhosi emoyeni.” Emandla laphilisako kulabaphilako; eMandla laphilisako kulabofile. Niyabona na?

²⁹⁴ LawoMandla laphilisako lafanako aNkulunkulu etfulwa kubo bobabili labaprofethi laba. Bukani emagama abo, acishe afane impela, Elisha, Eliya. Niyambona uMlobokati neMyeni na? Lomunye wabo nguMnumz. Jesu; lolomunye nguNkkt. Jesu. Niyabona, kucishe kufane impela, nje—nje emkhatsini wa—waloWesilisa naloWesifazane. Niyabona na?

²⁹⁵ Eliya, futsi bukani kutsi kumelelwe kanjani lapha. Manje, Elisha... Watsatfwa wayiswa etulu eluhlwitfweni, umele liBandla, kulungile, Eliya; naElisha waphumula kwaze kwaba sekuvukeni. Niyabona na? Kufana nenyoni nje, idzinga timphiko letimbili kutsi itisimise kahle. Niyabona na? LiBandla lamelwa khona lapho kulabo baprofethi lababili. “Ngoba tsine lesisaphila futsi sisasele kute kube sekufikeni kweNkhosi, asiyubavimbela labo labalele; ngoba liCilongo laNkulunkulu liyokhala,” totimbili timphiko tiyohlangana, futsi siyosuka sindize, haleluya, sisuke sindize. Ngoba, (ini na?) kulabaphilako, noma labofile, lawoMandla laphilisako asaphila.

²⁹⁶ Caphelani. Khumbulani, khumbulani manje, siphilisiwe kutsi sibone kutsi letintfo leti tiyini. Caphelani eMandla laphilisako alolusuku. Khumbulani, siyaphiliswa. Esikhatsini lesingesidze lesendlulile, ngelusito...

²⁹⁷ Futsi ngi—ngicabanga kutsi iNkhosi yetfu yasho, futsi wentanjalo naPawula, “Loko Babe langikhombise kona, angigodlanga lutfo. Ngiyanitjela.” Futsi kuletinsuku leti tekugcina lapho sibone eMandla aKhe laphilisako asetikwetfu, Usinika ngisho eMandla laphilisako, kubona labagulako baphiliswa. Siwabonile eMandla Laphilisako asebenta emkhatsini wetfu, njengoba Bekanjalo ngalesosikhatsi etikwabo ngetinsuku tasekucaleni, niyabona, siWabone abuyiswa ngembono futsi avusa labofile, siWabone enta labagulako baphile.

²⁹⁸ Ngalelelinye lilanga bengitjela lomunye. Donavon Weerts lomncane lapha, ngiyacabanga nonkhe niyamati. Ngangisenhla ngitingela naye. Umfo lomncane tatane... Ungumfo lomuhle lomncane. Uyeta lapha ebandleni. Uto... Umngani wami lolungile nje. Futsi nje u... Watsi, “Bengingafuni kukuhlupha.”

²⁹⁹ Ngabuka, futsi indlebe yakhe, yagucuka yonkhe, lingekhatsi laba ngaphandle. Futsi ngatsi, “Unjani, Donavon na?” Ngavele ngambamba ngesandla, kanjalo, nemdlavuza. Ngatsi, “Donavon, kwentenjani endlebeni yakho na?”

³⁰⁰ Watsi, “Angati, Mnaketfu Branham. Cishe kuletisitfupha, etinyangeni letisikhombisa, futsi isolo nje i...”

Ngatsi, “Yini ungazange usho lokutsite ngayo na?”

³⁰¹ Watsi, “Be—bengingafuni kukuhlupha, Mnaketfu Branham.”

Ngatsi, “Uyati kutsi kuyini na?”

Watsi, “Nginalo lihinyana.”

³⁰² Ngavele ngabeka sandla sami etikwakhe, ngangasho lutfo. Etinsukwini letimbili emvakwaloko, kwakungasekho ngisho sibati. Kuyini na? Emandla laphilisako, niyabona, Ayophilisa umtimba wenu lofako. Indlebe yakhe beyitodleka, buchopho bakhe babutophela, niyabona, bekatokufa. Kodvwa, laMandla laphilisako! Niyabona na?

³⁰³ Futsi ngalelinye lilanga lapho ngikhandlekile, cobo lwami, nge...Ngatsi, “Uma u...Mfana, kuncono uchubeke, sewuneminyaka lengemashumi lasihlanu budzala. Wena, uma kukhona lotokwentela iNkhosi, kuncono usheshise futsi ukwente. Sewuyaguga.” Niyabona na? Futsi lapho ngaloko kusa, eMandla laphilisako afika, futsi Wangivumela ngabuka ngale kwelikhethini, futsi nganibona nonkhe laphaya. Uh-huh. Niyabona na? Watsi, “Wonkhe loyo lowake wamtsandza, nawo wonkhe lobekakutsandza, banikwa wena.” Niyabona na? Ngababona bonkhe laphaya kanjalo. Kwakuyini na? Emandla laphilisako.

³⁰⁴ Johane umembuli wagcwaliswa agcwale eMandla laphilisako, lowasukuma futsi wabona kuphela kusukela ekucaleni.

³⁰⁵ Isaya bekagcwele eMandla laphilisako, futsi wasukuma wase ubona sikhatsi seminyaka leyiNkhulungwane nako konkhe.

³⁰⁶ EMandla laphilisako! “Futsi nangabe loMoya lowavusa Khristu kulabafile, uhlala kini, Uyovusa umtimba wenu lomothi...umtimba lofako.” Khumbulani, eMandla laphilisako!

³⁰⁷ Bukan kutsi siboneni kulolusuku. Emandla laphilisako afike kitsi, kutovula tiMphawu letisiKhombisa. Kwakuyini leyo, kuhlakanipha kwemuntfu yini? Cha, ngeMandla laphilisako aNkulunkulu. Niyabona, laMandla laphilisako aNkulunkulu asho ngaphambili kutsi loku kutokwenteka. Niyabona, eMandla laphilisako aNkulunkulu enta umhlaba kutsi ufakaze ngaWo, liCiniso. INgelosi yeNkholi, nganitjela, yayikhona lapha, iseNsikenyeMlilo; eMandla laphilisako enta umhlaba ufakaze kutsi IliCiniso. Futsi, kuloko, bebangati kutsi Yayiyini; futsi tsine besati, bukan ngalapha nje, futsi YiNkhosi yetfu etulu lapho, niyabona.

³⁰⁸ IngiYo Lelevule letotiMphawu. Inguleto tiMphawu, ngoba lonkhe Livi laNkulunkulu linguKhristu, naKhristu utiMphawu letavulwa. Kuyini-ke kuvulwa kwetiMphawu na? Tembula Khristu.

³⁰⁹ Futsi tona letotiNgelosi letisikhombisa, lebetimele emaBandla lasiKhombisa onkhe sekaphelle, futsi asikhonanga ngisho nekuYibona. Bayibona, batsatsa sitfombe, hhayi tsine. Futsi Nango, eme lapho, Lijaji leliKhulu kunabo bonkhe; akhombisa kutsi UnguAlfa na-Omega, wekucala newekugcina. Inkomba lenje pho! Emandla laphilisako ente loko kitsi.

³¹⁰ EMandla laphilisako asenta sibone kufika kwaKhe. Emandla laphilisako asihlwitsa ekufeni siye ekuPhileni. Emandla laphilisako aniketa kuhlola lokufihlakele; kwati kutsi yini lengakalungi kini, nekutsi akwentiweni; kutsi nenteni, nekutsi yini lobekufanele ningayenti; nekutsi benifanele nenteni, nekutsi nitoba yini. Emandla laphilisako, tonkhe letintfo leti!

³¹¹ INkhosi yetfu Jesu igcwelle kakhulu eMandla laphilisako, Yayingiko konkhe kwaWo, ndzawonye. Yayigcwelle kakhulu eMandla laphilisako, Yasho loko, “Bhidlitani lomtimba, futsi Ngitowuvusa etinsukwini letintsatfu.” Ukhuluma ngekwetsembela eMandleni laphilisako! “Bhidlitani lomtimba, futsi Ngito...lelithempeli, futsi Ngitolivusa ngetinsuku letintsatfu.”

³¹² Ngani, Wakusholani loko na? Bekati kutsi kwakubhaliwe ngaYe, niyabona, kutsi kwakubhaliwe ngaYe, ngeLivi laNkulunkulu lelalingenakwehluleka. Livi latsi, “Angiyuvuma kutsi LoNgcwele waMi abone kubola, kanjalo futsi Ngingeke ngishiye umphefumulo waKhe esihogweni.” Futsi Bekati kutsi eMandla laphilisako bekatoMvusa, kutsi kwakungeke kubole ngisho nasinye sakhi semtimba.

³¹³ Watsi, “Bhidlitani lelithempeli, mine Ngitolibuyisa futsi etinsukwini letintsatfu.”

³¹⁴ Ngani na? Lalisprefetho, Livi laNkulunkulu. Nesiprefetho, uma LiLivi laNkulunkulu leliciniso, ngeke lehluleke. Nalesiprefetho lesifanako neLivi laNkulunkulu lelati BekatoMvusa, litsi sesivele sivukile kanye naYe. Akumangalisi Atsi, “Ningesabi.” Futsi kubhaliwe, kutsi, “UMoya lokhona manje, wawukuYe, manje ukitsi, futsi upholisa nemtimba wetfu lofako.” Ungesabi, mngani, i N-d-v-o-d-z-a-n-a seyivukile. INDvodzana seyivukile. Cha...

³¹⁵ Manje bukani ekuguculweni simo. Tsine besikhona, sonkhe, sasimelewe lapho. Kwakuhona labangcwelle labaphilako lebebahlwitsiwe, kwakunaEliya eme lapho; futsi nako kume Moses, labangcwelle labafile bame-...Futsi, bobabili bebaneMandla laphilisako. Noma ngabe lomunye wafa, nalomunye akafanga, bonkhe balapho.

³¹⁶ Caphelani, o, bukani kutsi manje sibonani kuletinsuku leti tekugcina. Intfo lefanako Layetsembisa, Johane 14:12. Manje bukani. [Akucoshwanga etheyiphini—Umhl.] Impela.

Bantfu batsi, “Utisho kutsi unemandla na?” Cha, cha, cha.

³¹⁷ Sinjengabo nje eNtsabeni yekuGuculwa simo, niyabona. Impela, asitisho kutsi sinemandla. Kodvwa, tsine, njengoba—njengoba bebanjalo... ENtsabeni yekuGuculwa simo, bebangasho kutsi, Moses, atsi, “Niyabona kutsi bani, niyabona kutsi ngingubani,” bafundzi batsi, “niyabona kutsi ngingubani, niyabona kutsi ngingubani.” Niyati kutsi kwentekani na? Caphelani, babona Jesu akhatimuliswa. Nguloko kuphela lebefafuna kukubona kumelelwe, Jesu akhatimuliswa.

³¹⁸ Futsi kunjalo nanamuyla, asitami kuba ngumuntfu lotsite lomkhulu. Asinandzaba kutsi bantfu batsini ngatsi. Ligama letfu alisilolutfo; liGama laKhe. Kuphila kwetfu, akusilolutfo; kuPhila kwaKhe. NgeMandla aKhe, hhayi emandal etfu. Futsi yintfo yinye kuphela lesitsandza kuyenta, kuMbonda akhatimuliswa. Futsi kungaba kanjani na? Uma Akhatimuliswa kitsi, ngekuvuka kwaKhe kulabafile lokukitsi. SiyaMbonda ameletwe futsi njengoba Bekanjalo, namuhla.

³¹⁹ Nikutfolile loko na? Niyabona, sifiso setfu asisiso sekutsi sikhatimuliswe. Sifiso setfu asisilo ligama lelitsite lelikhulu. Sifiso setfu asisiso sekufukula libandla lelitsite, noma kwentiwe lokunengi kuSontfo sikolwa, noma setame kungenisa, sibophe tandla netinyawo, sifucele ekhatsi, siniketane iphathe yephikiniki, noma siletse tingcweti, emakinobho, noma leny'ntfo lefana naloko. Leso akusiso sifiso setfu. Sifiso setfu sekuMbonda akhatimuliswa. Akhatimuliswa, (ini na?) hhayi ngekutikhukhumeta; kodvwa kitsi, timphilo tetfu, kufakazisa kutsi Uyaphila futsi uphila kitsi.

³²⁰ Uma kungakhwesha mine endleleni, kanjalo lapho William Branham angasacatjangwa ngisho, nani ningasacatjangwa ngisho, size sibone Jesu akhatimuliswa emkhatsini wetfu. SiMbonda, nguleso sifiso setfu. Ngulawo laphi-... kusinika eMandla laphilisako. Futsi kusinika injabulo, kwati kutsi sinaYe, kokubili inyama nelitsambo laKhe, singuMlobokati waKhe; futsi sibona tindlela taKhe tekwenta letifanako leticinisekisiwe, tifakazisa ngekhatsi kitsi kutsi Sewuvukile manje kulabafile. Niyabona na?

³²¹ Akumangalisi Atsi, “Ningesabi”, ngoba manje, caphelani, sihlengwe nguYe, futsi manje sivuke naYe. Lichaza loko liPhasika kubantu, “sivuke naYe”! Caphelani. Manje sineMoya waKhe kitsi, incwadzi yesibopho lehambisana nemtsetfo lebufakazi ibhadelwe ngalokugcwele.

³²² Cha, awusho kutsi, “Yebo-ke, ngetsema kutsi ngyophumelela.” Sewuvele uphumelele. Hhayi kutsi, “Ngyophumelela.” Sengivele ngiphumelele. Angizange ngiphumelele; Wangiphumelela mine. Niyabona na? Akusimi; nguYe! “Yebo-ke, Mnaketfu Branham, batsi...” Anginandzaba kutsi batsini. Lapho Waphumelela lapho, akwentela mine. Nguloko kuphela lengikufunako, lengikuhkhat salelako.

³²³ Nje ngi—nje ngifuna kubona Yena abonakaliswa. Ningakwenta kanjani, niMbite ehle na? Cha. Ukini. Niyabona, Ukini. “Yebo-ke, ngako, Nkhosi, uma kungakhwesha mine lucobo endleleni, Ungabonakalisa. Mine lucobo... Ungakwenta kanjani na? Ngoba Wakumisela kanjalo. ‘Konkhe loko Babe laNgiphe kona kutokuta.’” Caphelani. Ludvumo!

³²⁴ Ngabo bonkhe lobo bufakazi lobubonakalako lobucokelelwe, bunatsi manje ekuseni, o, ngicabanga ngaleloculo:

Ngaloko kusa kwekuvuka kulabafile,
Lapho tintsambo tekufa tiyodzabulwa,
Siyovuka, (Haleluya!) siyovuka!

³²⁵ Niyakukholwa loko na? [Libandla litsi, “Ameni.”—Umhl.] Siyovuka! KuYe siba yincenye yaKhe, liPhasika, liyimfihlo leyembuliwe yaNkulunkulu njengoba yayinjalo ngalesosikhatsi, yekuPhila emvakwekufa. Manje sesiyaphila, tsine lebesifile esonweni nasetiphambekweni. LuPhawu lweliciniso lweliPhasika lwephule kufa lokungitungeletile, futsi ngiyaphila. LuPhawu lweliPhasika, ekucaleni, lwaphula luphawu lweluphawu lwemaRoma, luPhawu lweliPhasika, kutsi Bekavalwe ngci ngeluphawu. Futsi umuntfu, ngesikhatsi bafa, besahambile; kodvwa Wephula luphawu futsi wembula imfihlo. Futsi manje Nkulunkulu, ngeMoya loyiNgcwele waKhe, ulwephulile luphawu lolutungelete timphilo tetfu, naKhristu wembulile njengoba Aphila kitsi, ngoba manje siphiliswa kanye naYe. O, likhasi emvakwelikhasi!

Siyovuka, (Haleluya!)

Siyovuka! (Ameni!)

Ngaloko kusa kwekuvuka kulabafile,
Lapho tinsimbi tekufa tephulwa khona,
Siyovuka, (Haleluya!) siyovuka!

³²⁶ O, anijabuli na! Ngijabule kakhulu! Emuva le entasi ngaleya, esihhahheni lesidzadlana semalahle ngalokunye kusa, timphawu tephulwa, futsi ngavuka kanye naYe, ngisidalwa lesisha. Emandla aKhe laphilisako; iNdvodzana seyivukile.

³²⁷ Esikhatsini lesingesidze lesendlula, ngacocelwa indzatjana nge—ngemdwebi. Umfo uyaphuma wase ucasha umdwebi lomdzala kutsi amtsatse aphume badwebe eWest Coast. Baphuma ngaloko kusa.

³²⁸ Uma noma ngubani wenu ake wadweba lapho inhlanti isalimoni, ngani, niyati kutsi kwentekani, kuba netinkhungu letimbi impela ngaphandle lapho. Ngibona umnaketfu lomncane, Eddie Byskal, entasi lapho, sitfunywa senkholo kumaNdiya ngaphandle lapho. Futsi sadweba, cobo lwetfu, ngaphandle kulawomagu lamanyenti.

³²⁹ Ngako lomdwеби bekatsite kushoda kancane ngesipiliyonи, niyati. Wahamba wayodweba, futsi bantanta nemanti baphuma.

Balindze kutsi kuphume lilanga, niyati. Futsi ba—futsi ababange basawuva umshini lokhaliswa ngesikhatsi senkhungu, nalomdwеби wetfuka kakhulu, watsi, “Awusho, sintanta nemanti siya elwandle! Yeyi!” Wetfuka kakhulu.

³³⁰ Watsi, “Hlala phansi, ndvodzana. Hlala phansi.” Umdwebi lomdzala, atithulele, niyati. Bekati kutsi bekakhulumu ngani. Watsi, “Lindza nje kuze kuphume lilanga, sitobe sesiyabona-ke kutsi sikuphi.”

Wena utsi, “Ngifanele ngibe yiMethodisti na? Baptisti na? Pentecostali na?”

³³¹ Lindzani nje. INdvodzana iyavuka, sitobona kutsi sikuphi. ILivi. Lindzani nize nibone Livi libonakaliswa, likhanya etikweMbewu, Sitfungo lesijikitishwako, sitobona ke kutsi sikuphi. NiyaMtsandza na? [Libandla litsi, “Ameni.”—Umhl.]

³³² Ngiyacolisa senginibambelele kwaze kwaba sikhatsi lesidze kangaka. Bangakhi kini kulotohlalela yakusihlwa na? O, buyanike nje futsi, kusihlwa, niyabona. Cishe ngensimbi yesikhombisa ngco? Beninaye lomuny’umuntfu na? [Umnaketfu Neville utsi, “Cha.”—Umhl.]

Asikhotsamise tinhloko tetfu.

³³³ Ngabe ukhona munye lapha, noma labanengi, longenawo laMandla laphilisako kuwe na? INdvodzana ikhanyise yonkhe indzawo, futsi nihleli kulelitabernakeli, niwalalele ematheyiphu, kepha noko uMoya awukaze uniphilise nize nikhone kulandzela Livi laNkulunkulu, kutsi nine besifazane nawe wena wesilisa beningatfobela lonkhe Livi Lalibhalile! O, loko kuyintfo leyingoti. Kube ke beniyimbewu lefile, kungekhokuPhila kini na? Kodvwa kukhona lokukini, lokunitjelako, “Ngi—ngifuna kuvuka, manje ekuseni. Ngifuna kuvuka esimeni lengikuso. Angifuni nje kuba yimbewu lefile, ngishiywe emhlabatsini nasetiphuntini letilahlelwe ngaphandle ngemanti. Ngifuna kuvuka.”

³³⁴ Ungasiphakamisa sandla sakho, utsi, “Ngikhulekele, mnaketfu na”? Nkulunkulu anibusise. Nkulunkulu anibusise. Hhe, ake nibuke letandla; ayikho nhlobo indlela yekubitela e altari. Lelesikubita ngekubitela e altari, bantfu bayakhuphuka bete e altari, angikho kangako ngako, empeleni. Loko kwengetwa ebandleni nje ngetinsuku temvuselelo yemaMethodisti. Niyabona na?

³³⁵ LiBhayibheli latsi, “Bonkhe labakholwa, niyabona, babhabhatiswa.” Kunelichibi lapha, ligcwele emanti, lilindzele noma ngumuphi lotivelako lotimisele kutsi bafe bona lucobo.

³³⁶ Manje, ungahle ucwiliswe, emahlandla lamanengi, eGameni leNkhosi Jesu; kodvwa ize leyombewu ibe kuPhila, niyabona, Ingeke iyiphilise. Cha, cha, cha. Umbhabhatiso wemanti

unjengelitolo lelehle livela ezulwini; lingehlela embewini, kodvwa, kute kuPhila lapho, ingeke iphile.

³³⁷ Kodvwa uma lowombhabhatiso mbamba wemanti, wekutsi ufe kuwe lucobo, futsi sewutimisele kufa uphele kuyoyonkhe intfo loke wakufundziswa tivumokholo nemahlelo, lokuphambene neLivi, futsi utohamba njengendvodzana noma indvodzakati yaNkulunkulu, futsi ukusho sibili enhlitiyweni yakho, caphela kutsi lowombhabhatiso wemanti utokwentani kuwe manje ekuseni. "Phendvukani, ngulowo nalowo wenu, abhabhatiswe eGameni laJesu Khristu kuko kutsetselelwa kwetiphosiso tenu, sono senu, khona niyokwemukela Sifungo, umnikelo lojikitisiswako. Niyokwemukela eMandla ekuhambissa, uMoya loNgcwele. Ngoba lesetsembiso senu, nesabo bonkhe. Kuto tonkhe titukulwane, kuyobanjalo."

³³⁸ Babe Nkulunkulu, ngi—ngikhulume kadze, futsi ngatsatsa lesinengi sikhatsi sebantfu, kodvwa, Nkhosi Nkulunkulu, akukho kuma kuko. Kubonakala kwangatsi uvele nje uyekeli usuke uhambe, futsi uphumule, uphindze ubuye. Siphila eveni lelifako, emkhatsini webantfu labafako; neMlayeto wekuPhila, futsi nebufakazi lobubonakalako bekuvuka. Nkulunkulu Lotsandzekako, sitoba ngulabafako kanye kuhphela, futsi kutobanjani uma siyekela lelitfuba lisendlule na?

³³⁹ Tinhlitiyo tetfu tiyavutsa; imiphefumulo yetfu iyatfokota; labo labangenile. Nalabanengi lapha bayawuva loMlayeto manje ekuseni. Yebo, emakhulu lamabili noma lamatsattu baphakamise tandla tabo. Bafuna kukholwa, Nkhosi. O, impela leyombewu ayikafi, Nkhosi. Bangasiphakamisa kanjani sandla sabo kanjalo na? Kukhona lokutsite. O Nkulunkulu, ngumine lomdzala, nguloyomkaJobe eme lapho, atsi, "O!" Kodvwa, Nkhosi, akutsi loyoJobe, lelokholwa, lingene, manje ekuseni, life nya, futsi lingcwatjwe lapha kulombhabhatiso wemanti.

³⁴⁰ Ematfonsi ematolo lavela eZulwini, Livi laNkulunkulu lelitsi Liyohlanta sonkhe sono futsi lisitsetsele! Nibhabhatiswa eGameni laJesu Khristu, kwentiwe leni na? Kutsetselelwa kwesono senu, tono titsetselelwa eGameni laJesu Khristu.

³⁴¹ Kwangatsi, ke, Babe, kwangatsi... Uma bagula, kwangatsi bangaphuma baphila. Kwangatsi, uma bakhubatekile, kwangatsi bangaphuma sebahamba ngaphansi kweMandla aMoya loyiNgcwele. Nangabe bebatoni, kwangatsi bangaphuma bahambe sebageziwe bahlanteka. Netincenye, ngekungena; eMandla ekuhambissa lavela Ngetulu, uMoya loNgcwele, futsi ubahlwitse, Nkhosi. Uphilise umtimba wabo lofako, khonake sitokuva tilimi letinsha telucobo, emandla aNkulunkulu, lutsandvo lolungakhulumeki, umusa lofako nemusa lophilako; naKhristu lovusiwe kulabafile, uMtima, uMlobokati amelete Yena emhlabeni.

³⁴² Babe, sebaKho. Baphakamise tandla tabo. Ngilishumayele Livi. Manje, Babe, bemukele, ngiyakhuleka. EGameni laJesu Khristu, ngiyakucela. Ameni.

³⁴³ NiyaMtsandza na? [Libandla litsi, "Ameni."—Umhl.] Akamangalisi na? ["Ameni."] Nenelisekile kutsi niyincenyé yaloko kuvuka kulabafile kweliPhasika, kutsi navuka kanye naYe na? ["Ameni."] Phakamisa sandla sakho. Nawe ubaliwe.

³⁴⁴ "Bantfwanyana bami labancane," njengoba Pawula bekangasho. Ngingetami kulingisela yena, kodvwa, lutsandvo, ngiyanitsandza. Ngilwa nemigwaco nako konkhe lokunye, kuze ngifike lapha, kutsi ngitfole kukhuluma nani. Ngikhuphuke ngiphuma elugwadvule, ngincamule etincumbini temachwa, nalokunjalo, kute ngifike lapha. Sindiza ngetindiza. Nishayela nincamule live, kuze sihlangane ndzawonye. Siyatsandzana.

³⁴⁵ Siyincenyé yalomunye nalomunye. Ningalokotsi nivumele Sathane anitjele noma yini lenye. Ngekuba yincenyé yalomunye nalomunye, siyincenyé yaKhe. Futsi sitakhamiti letibafo beMbuso, sijabulela letibusiso leti, sindzawonye, tekuvuka.

³⁴⁶ Futsi manje, niyabona, manje senivele nivukile. Ngesikhatsi Nkulunkulu aMvusa, Wavusa nani. INDvodzana njengamanje isetikwenu, futsi manje nimila ningene ekuPhileni lokuchakazile njengoba Bekanjalo, kutsi nivuswe kulabafile ngalokuphelele ngalolosuku lwekugcina. Emakhono enu, ninawo manje. Natelani na? Umphefumulo wenu ugucukile, awukagucuki na? Umtimba wenu ungena ekuLitfobeleni, awuzange na? Ekutfobeleni (ini, libandla na?) Livi, lelikuPhila, manje-ke senivusiwe kulabafile. LiPhasika, naJesu nami. LiPhasika, nami naJesu. Futsi liPhasika, nani, mine, naJesu. Sonkhe si... Noma, Jesu, nine, nami, sonkhe sivuswe kanyekanye.

³⁴⁷ Futsi siyovuka ngelusuku lwekugcina, ngisho naloku nje imimoya yetfu ishiya imitimba yetfu, ngisho naloku nje imitimba yetfu itfomba, kwangatsi ingaya elutfulini, ingashiswa iphele, ingaba ngaphansi ekugcineni kwelwandle. LiBhayibheli latsi, "INgelosi yatfululela kwayo etikwelwandle, nayo yonkh'info leyafa iyaphuma." Akukho lokungasifihla, noma kusehlukanise, naloyoNkulunkulu lesimtsandza kahle kakhulu, losivuse kanyekanye.

³⁴⁸ Nkulunkulu anibusise. Senginihlalise lapha sikhatsi lesidze. Uma labobantu asekulolocingo, impela ba... Kungemashumi lasihlanu emasenti umzuzu, babhadale impela, manje ekuseni. Kodvwa, angikhonanga nje kuma ngalelohora, ngidzingeke nje kutsi ngichubeke.

³⁴⁹ Manje, iNkhosi itsandza, ngitobuya kusihlwa, kutokhuluma nani futsi. Futsi uma ngingakhoni, khona-ke nonkhe niyat... Ngiyetsema asikho eku... noma cha... Asisekho elucingweni na? Asisekho elucingweni.

³⁵⁰ Nonkhe niyati kutsi ngiyaphi, anati na? Afrika! Sekusikhatsi lesidze ngabitwa; sekuyiminyaka ngetama kubuyela. Manje umbono, uMoya weNkhosi uyilungisile indlela. Batsi, ngesikhatsi labo bemdzabu labaphuyile bakuva, kutsi angitanga ngesikhatsi lesendlulile ngesikhatsi ngilapho, balala phansi emhlabatsini imini nebusuku, futsi balila futsi bakhala, batsi, “Nkhosi, senteni na?” tinkhulungwane tabo. Labobantu abakholwa ngisho nekutsi banemphefumulo. Niyabona na? Futsi bakhala futsi balila, futsi bakhala.

³⁵¹ Ningatfumeli kwasagama ngaphambi kwenikhatsi. Ngiyacela ningakwenti. Niyabona, uma leyomvumo yekungena eveni kungenteka yendlule lapho futsi ifinyelele emkhatsini walabo bafundisi, bayongimisa khona lapho. Ngifanele ngingene njengemtingeli. Ngiya enhla endlovukazini leyehla netincola tesitimela letigcweli letilishumi nesikhombisa futsi yehla yeta emhlanganweni. Ngifanele ngenyuke ngiyotingela endzaweni yayo. Futsi ngiyangena, ipaspoti yami nako konkhe kubita umtingeli, hhayi inkonzo yetenkholo.

³⁵² Manje-ke kutoba nemnaketfu munye lengibonana naye, atsi, “Yini ungasseteli umhlangano lomncane na?” Tinkhundla temetidlalo setivele tiyacashiswa. Abakwati ngisho nekukwati. Niyabona na? O, ludvumo!

³⁵³ Khulekelani kutsi intsandvo yaNkulunkulu angeke ivinjwe. Kutsi, umphefumulo wami lowawukhalela iAfrica seloku ngahamba, kwangatsi ngingakhona kubuyela futsi, bese ngingiletsetla umlayeto wemhlangano lomkhulu. Cishe ngeke ngisanibona, kusukela namuhla, ngize ngibuye. Siyahamba, etinsukwini letimbalwa nje manje, tilishumi enyangeni yeNkhwekhweti. Nitongikhulekela na? [Libandla litsi, “Ameni.”—Umhl.]

³⁵⁴ Khumbulani, anati kutsi tinkhatsato tini, nize nifike lapho; batsakatsi nhlangotsi tonkhe, nadeveli, futsi ningacabangi kutsi atati kutsi tifanele tenteni. Niyabona na? Futsi ufanele wati kutsi ukhulumha ngani, nawuma embikwato. “Kodvwa ngiyamatyi lengikholve nguYe, futsi ngiyetsema kutsi Unemandla ekulondza loko lengikubekile kuYe kuze kuge ngulolosuku.”

Manje, kunemaduku labekwe lapha.

³⁵⁵ Nkulunkulu Lotsandzekako, njengaloMlayeto manje ekuseni, wekuvuka kulabafile, nami ngime lapha, Nkhosi, futsi ngifikazisa ngeLivi kutsi lawoMandla laphilisako akumntfwana lokholwako. Ngako-ke, etikwekukholwa, ekukholweni, kutsi lawoMandla laphilisako ayiguculile imphilo yami. Nalababantfu uyakholwa, Nkhosi, futsi Agucule timphilo tabo. Futsi siyakhulekelana.

³⁵⁶ Ngibeka tandla tami etikwalamaduku, kutsi... Kwangatsi Nkulunkulu, Lowaphilisa Jesu Khristu futsi waMkhipha

kulabofile, nalowoMoya lowaMvusa kulabofile, uhlale emtimbeni wetfu.

³⁵⁷ UMoya lowawungetulu kwemtimba waElisha, loyo, emvakwekutsi ufe futsi kungasasele lutfo ematsambo kuphela, wawuneMandla laphilisako kuwo. Tandla tebapostoli tatineMandla laphilisako kuso. Imicondvo yebapostoli, kubona kwebapostoli, ti–tilwimi temakholwa, konkhe kwakuneMandla laphilisako.

³⁵⁸ Manje kwangatsi lawoMandla laphilisako, njengoba ngibeka leLivi etikwawo, netandla tami kumela umnikati, ngemusa, walawoMandla laphilisako, kwangatsi Angaphilisa yonkhe yalemitimba legulako, futsi baphiliswe futsi, Nkulunkulu, ngeliGama laJesu Khristu.

³⁵⁹ Kwangatsi kungeke kwaba kwalamaduku kuphela, kovwa kwalabobantfu ngaphandle lapho etetsamelini, wonkhe logulako. Labo bantfwana labancane, bantfu labadzala, noma ngabe bayini, kwangatsi lawoMandla laphilisako angabaphilisa khona manje, eGameni laJesu. Ameni.

³⁶⁰ Manje, bangakhi lonalaMandla laphilisako na? [Libandla litsi, “Ameni.”—Umhl.] Manje bekani tandla tenu etikwalomunye nalomunye, uma lawoMandla laphilisako akini.

³⁶¹ Manje, yinye kuphela intfo yekukhwesha kuWo, levimbako, loko kungakholwa kwenu. Wesifazane watsintsa sembatfo saKhe, wasindziswa; lisotja laseRoma laMkhafunela ebusweni, futsi laya esihogweni. Niyabona na? Ngako kwakufanele kube...kuya ngekutsi ukuphi. NiyaWakholwa na? [Libandla litsi, “Ameni.”—Umhl.] NiyaWakholwa na?

³⁶² Manje ngifuna ukhotsamise inhloko yakho futsi nikhulekelane. Nje—nje nikhuleke kuvakale impela, nitsi nje, “Nkhosi, lomuntfu lona” . . . Niyabona, nikhulekelane nje.

³⁶³ Nkulunkulu Lotsandzekako, senta loku eGameni laJesu Khristu, liGama kuphela lelinikwe kumuntfu lesingasindziswa ngalo noma siphiliswe. Labantfu laba, labatakhhamiti letibafo beMbuso, umnikati weMandla laphilisako, Waphilise kubo, Nkhosi, manje nje. Futsi kwangatsi uMoya ungasuka elukhozini uye elukhozini, usuke eVini uye eVini, kuze kutsi kugcwala kwaJesu Khristu kubonakaliswe emitimbeni ngamunye, ngekwenyama, kamoya, noma ngusiphi sidzingo labasidzingako, njengoba sibeka tandla tetfu etikwalomunye nalomunye. EGameni laJesu Khristu.



KUPHUMA KWELILANGA SSW65-0418M
(It Is The Rising Of The Sun)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ekuseni, ngenyanga yaMabasa 18, 1965, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org